

მწყემსი



მე ვარ მწყემსი კეთილი: მწყემსმან კეთილმან სული თვისი დაჰსდვის ცხოვართათვის. იოან. 10—11.

ჰპოვე ცხოვარი ჩემი წაწყმედული. მსრეთ იყოს სიხარული. ცათა შინა, ერთისათვის ცოდვილისა. ლუკ. 15—4.

მოვედით ჩემდა ყოველნი მაშურალნი და ტვირთამძიმენი და მე განგისვენოთ თქვენ. მათ. 11—28.

№ 15—16

1883—1899


1—30 აგვისტო

რა ლუპავს ჩვენს ხალხს, სხვათა შორის, ეპონოპიურად?

ეკონომიურად მთელი ხალხის, რომელიმე საზოგადოების და კერძოდ თითო ოჯახის დაძლეველი მიზეზი ძრავალ გვარია. ეველა მიზეზების გამოკვლევა ჩვენ ძლიერ შორს წაგვიყვანს. ზოგიერთი მიზეზები ჩვენგან სრულებით დამოუკიდებელია და რამდენიც უნდა ვეცადოთ, მათ თავიდან ვერ ავიცილებთ; მაგრამ არიან ისეთი მიზეზები, ისეთი გარემოებანი, რომელთა თავიდან აცილება ეველასთვის საადვილოა, ოღონდ კაცს ქქონდეს ჰატარა მტკიცე ხასიათი და რიგიანი შესედეულება კაცის

ცხოვრებაზე. ჩვენი ხალხის ეკონომიურად ერთ დაძლეველ მოვლენად, მიზეზად მიგვაჩნია სტუმრობა, ჩვენი ძველებური სტუმართ-მოყვარეობა და სტუმრობა დროების კასატარებლად. ამბობენ, რომ საქართველოს ხალხი საოცარი სტუმართ მოყვარე იყო და არისო. ამას დიდი დამტკიცება არ უნდა. მაგრამ, ვკონებ, არც იმას უნდა ბევრი დამტკიცება, რომ სტუმართ მოყვარება, დროების გატარება და ქეიფობა ღუბაუდა ჩვენს ხალხს და ღუბაუგ მას დღესაც ეკონომიურად...

კაცი გვირგვინია ღვთის ეველა ქმნილებათა შორის, მაგრამ იმ დრომდის, რა დრომდის



საც მას ღვთის ხატება და მსგავსება და სვინიდისი არ დაუკარგავს. თუ ღვთის ხატება და მსგავსება დაკარგა მან, და სვინიდისსაც მოკლებულია, მაშინ კაცი უოველ ოთხფეს ცხოველზე უარესი და სიმაკელია. უბრალო ცხოველი ბევრს ვერ გაგნებს, გაფუჭებული კაცი კი თავისი მოქმედებით დიდ ვნებას მოკცემს. უბრალო ცხოველი შეკიპლია მებორკო და დაამწვედიო, მაგრამ კაცს კი ვერაფრით ვერ მებორკავ და ვერ დაამწვედევ. მაშასადამე როდესაც სვინიდისი ხალხში მდაბლდება და გუჭის მოთხოვნილება მეტის-მეტად ძლიერდება, მაშინ კაცს დიდი სიფრთხილე მართებს, რაც შეიძლება მოერიდოს მუქთა მჭამელთ, მოქეიფეთ და დროების გამტარებელთ და არა მკითხე მოლხინეთა.

იყო დრო, როცა მოქეიფეთ, მოლხინეთ და მუქთა მჭამელთათვის ბუნებისაგან ეველფერი უხვად ჰქონდა მინიჭებული კაცს და სულ მცირე შრომით თავს მდიდრულად ირჩენდა. მაგრამ დღეს დროება შეიცვალა. ჩვენც უნდა შევცვალოთ დრო. და დროის მოთხოვნილებისამებრ მოვიქცეთ, თორემ დავიღუპებით და სულ ამოვარდებით. საფრანგეთში, ინგლისში და სხვა უცხო ქვეყნებში ვისთანაც უნდა მიხვიდეთ სადილობის დროს, ასე შემოგიფლიან: მოიცადეთ, ან და ნასადილევს მოდიეთ. კერძანაში, ავსტრიაში, და სადაც გინდა, ამასვე გეტყვიან, ეავის დაღვეის ანუ საუზმობის დროს რომ შეასწროთ. თუ ეს კანათლებული ხალხი და ჩვენსე უფრო მდიდრები ამას ჩადიან, ჩვენ რაღა ვართ, რომ ასე თავმოხვევით ვიქცევით, ასე ბერდოვლათად ვფანტავთ ჩვენ ლუკმას და ქონებას?! წარმოიდგინეთ, ხშირად დიდ სადილებს ვუძარტავთ ჩვენ მტრებსა

და მოშურნეთაც... გახდება თუ არა ვინმე ავად, შეიქნება ერთი ნახვა და ერთი ამბავი, ავადმყოფის სანახავად მოდიან არა მარტო გულითადი ნათესავები, არამედ უბრალო ნაცნობებიც. რისთვის? გუჭის გასამლომად და არა შესაწევნად. გული შეგტკივთ ავადმყოფისთვის? დაუქირავეთ ექიმი, შეეწიეთ წამალს, აღმოუჩინეთ საშუალება სნეულების განსაკურნებლად და აი ეს იქნება დახმარება, ნათესაობა და მეგობრობა. მიდისარ შენი დაძმეული ცხენით და ორივეს კამლომა გინდათ და წამოსვლისას თუ უთხარით: „არა გიძავს რა, სნეულება გაივლის და მორჩები“-ო, ძლიერ დიდი საქმეა!.. თუ გარდაიცვალა ვინმე, მაშინ ხომ სულიღუპება ოჯახი! გარდაცვალებულს მოაცდიან ერთი და ხან ორი კვირა. ამ ორ კვირაში არის ერთი უშველებელი ხარჯი და ღვინის სმა, სტუმრები ჭირისუფალთ კიდევ ამაღლიან, რომ არ მორდებიან გარდაცვალებულს თითო და ორ-ორ კვირაობით და ამ ნაირად თავს იკვებებენ. —არ შეიძლება, ბატონო, ამბობენ სტუმრები, ხაში დღის შემდეგ დამარხვა, რვა დღე მაინც უნდა დარჩეს გარდაცვალებული დაუმარხავი. ვალდებულია ჭირისუფალნი ემსახურონ გარდაცვალებულის სულს და რაში მდგომარეობს ეს სულის სამსახური, ვკითხოთ ერთი ამ ბატონებს? იმათი აზრით სულის სამსახური მდგომარეობს იმაში, რომ იუიღონ ბრინჯი, მაკარონი, ნუში, ქიშხიში, სეთი, ბევრი ღვინო, კარგი ზური, კარგი თევზი სძირად ხორციც და სხვაობად გაძღვენ ეველანი. ეოველთვის ჭამასე ერთი შესანდობელი დალიონ და ზურსე სტაქანს თავი წაუქციონ. აი ეს არის მათის აზრით სულის სამსახური! წირვა, ლოცვა, ჰანამვიდი რა საჭირო არის! თუ სურს, მღვდელმა თავისთვის



გადინადოს, როცა უნდა. მაგრამ თუ გამოტორილზე მღვდელი შესამოსლით თავს არ ადგია კარდაცვალებულს და, როცა მომტირალი მივა საზოგადოებრივი და სასადაცინო ჭყანვით და თვალთმაქცური ტირილით, საცეცხლურით არ უკმია მას, შენი მტერი, მღვდელს საქმეს დამართებენ! საჩივარი ორი-სამი წაუა მთავრობასთან. გათავდა ტირილი. გადაჯდებიან ცხენებსე, ჯორებსე და შინ წაბრძანდებიან ეს ჩვენი მომტირალნი. დარჩენ ჭირისუფალნი, მღვდლები და რამდენიმე კაცი. მაშინ, ეუბნება ერთი ვინმე მღვდლებს, თქვენ შეასრულეთ თქვენი წესი, რაც იუოს. ჭირისუფალნი ცოტა ჰურს მიირთმევენ და წავასვენოთ ეკკლესიზე კარდაცვალებული. მღვდლებიც ისე იქცევიან, როგორც უბრძანებენ!..

ნუ თუ დრო არ არის, გამოფხინხლდეთ და სხვა ქრისტიანე ხალხს დაეუმსგავსოთ? მე აქ არ ვაძობ, რომ ტირილი მოიხშოს, ვისაც იტირება კარდაცვალებული იმას არც ხარი უნდა და არც ქვითინი, ისე იტირებს. ნუ თუ არ მოიძლება ის მასხრული თვალთ-მაქცობით ტირილი, რომელიც სუფევს ჩვენს დასავლეთ საქართველოში? ნუ თუ ასე სამხელოა მოძალა ამ მავნებელი ჩვეულებისა, ჩვენებური გამოტორილისა და დამორჩილება იმ წეს-წეობილებისადმი, რომელსაც ჩვენ წინადაგვიდებს მართლმადიდებელი ეკკლესია? ეს ადვილი შესაძლებელია, რომ ჩვენი სამღვდლოება მოინდომებდეს და ერთად იმოქმედებდეს უველგან. დღეს იმდენი სემინარიელებია მღვდლებათ, რომ სირცხვილიც იქნება, ამათ ხელშიაც დარჩენ ეს სამარცხვინო და დამღუპველი ჩვეულებანი კარდაცვალებულის გამოტორილის შესახებ. სჯობს

თვითონ ხალხმა მოძალოს ეს დამღუპველი ჩვეულება, თორემ ბოლო დროს გაჭირვება და გადატაკებაც მოაძლევენებს, მაგრამ ეს სამღვდლოების ხელკავლების მიხედვით არ იქნება, არამედ—გაჭირვების, რომელიც ძლიერ სამხელოდ დაურჩება საზოგადოებას.

ყოველთვის სომ არ შეხვდებით ამ ჩვენ არა-მკითხე მოქეიფეთა ტირილებზე სიარული და ავადყოფების სანახაუად წასვლა. შეიერიან თავს და სან ეჭოს კაცს აირჩევენ და სან მეორეს და მიადგებიან კარს იმისთანა დროს, როცა მასწინძელს არც დრო აქვს ქეიფობისა და არც სასმელ-საჭმელი აქვს მხად. საცოდავი მასწინძელი ხალხით ეგებება სტუმრებს, მაგრამ გულში სწუეკლის და კრულავს როგორც მათ, ისე მთელს მათ ოჯახობას...

როგორ უთხრა კარი, იტყვიან ზოგიერთები, კაცი მოდის შენთან სწორეთ საჭმელად და დროების გასატარებლად, როცა შენ სრულებით არ ხარ მომზადებული და არც მოცლა გაქვს დროს გასატარებლად? ადვილად შეგიძლია, თუ ზატარა ხასიათის სიმტკიცე გაქვს და თვითონ შენც ხელს არ შეუწეობ ამითანა ბერდოლათობას. თუ კაცი მოდის შენთან საჭმლისათვის, მიუტანე იმდენი, რამდენიც საჭიროა მისი სიცოცხლისათვის, თუ სხვებ არ შეიძლება მისი მოძორება; როცა სამი და ოთხი სტაქანი შედგას საინზე და გითხრას: ან დალიე და ან კარეთ გადიო, მაშინ აღიმადლე ხმა და ღვინის მაგიერ წელით გაუმსე სტაქნები და უთხარი, რომ ან დალიოს და ან კარეთ ვავიდეს და სხვა ამისთანები. დარწმუნდით, რომ თავიდან მოიძორებ არამკითხე მოლხი-

ნეს და შენი ქონება შეგჩება შავი დღისათვის.

ვისაც კული შესტევივა ჩვენი ხალხის კეთილდღეობისათვის, დარწმუნებული ვარ, ის უოველ ღონეს იხმარს, არ დახოგავს სიტუვა-ზასუსს და ჩვენ ხალხში გააფრცელებს იმ აზრს, რომ ძველებური ჩვენი დამღუჭველი სტუმართ-მოუვარეობა და მასწინძლობა მოსპოს, ან შეასუსტოს და ამით ჩვენი ხალხი დაიხსნას ერთი იმ უბედურ ჩვეულებისაგან, რომლის წყალობითაც იგი (ხალხი) დარბობდა და ღატაკდებდა...

დეკ. დ. ღამბაშიძე.

იმერეთის ეპარქიის სამღვდელმთავრის დეპუტატების საგანგებო კრება 31 ქუთაისში მაისის 31 ღ ივნისის 1 ღ 2 რიცხვებზე

დასასრული *).



ოველი კრება და ამ კრებისაგან ჟურნალური დადგენილება კანონიერად ჩაითვლება მხოლოდ მაშინ, როცა მთელი კრების ორი წილი მაინც იღებს მონაწილეობას მსჯელობაში და საქმის გადაწყვეტილებაში. როცა კრების თავმჯდომარემ უკანონო წინადადება მისცა კომიტეტის დათხოვნაზე, მაშინ ბევრმა დეპუტატმა თავი დაანება კრებას და ხელიც არ მოაწერეს ჟურნალს. ჟურნალი ხელ მოწერილია მხოლოდ 26 დეპუტატისაგან, რომელი რიცხვიც არ შეადგენს ორ მესამედს მთელი დეპუტატების რიცხვისას. ეს უკანასკნელი გარემოება საყურადღებოა. ჟურნალი, არა ხელმოწერილი ორი წილი დეპუტატისაგან უკანონოა და მისი დამტკიცება არ შეიძლება უწ. სინოდის განჩინებისამებრ.

უკანასკნელი კრების 26 დეპუტატი, დაახლოვებულნი ერთი მეორესთან ნათესაობითი კავშირით,

ირჩევენ სანთლის ქარხნის გამგე კომიტეტის წევრებად: თავმჯდომარედ დეკ ი. ჭეიშვილს, ხაზინადრად მაზრის მეთვალყურეს მღვდელს ტიმოთე კაპანაძეს და საქმის მწარმოებლად სასულიერო სასწავლებლის მასწავლებელს ანთიმოზ გორგაძეს. კრებას უნდა ცოდნოდა ამ პირთა ვინაობა, ამისათვის ჩვენ საქმეზე მიგვაჩნია აღვნიშნოთ ამ პირების ვინაობა და ისიც, რომ სანთლის ქარხნის გამგეებად შეუძლებელია მათი არჩევა. აი საფუძველიც, რომელზედაც ვამყარებთ ჩვენ ამ ჩვენს აზრს:

დეკ. იოსებ ჭეიშვილი დანიშნული იყო მმართველად სანთლის ქარხანაში განსვენებული იმერეთის ეპისკოპოსის გაბრიელის მიერ, მაგრამ იგი მალე დათხოვნილ იქმნა. სანთლის ქარხნის მისი გამგეობის დროს არასოდეს სამღვდელმთავრისათვის სანთლის ქარხნის ანგარიში არ გამოუცხადებია. ჩვენ სამწუხაროდ ხელთ არა გვაქვს იმ საქმის პირი, რომელიც ეპარქიის კანცელარიაში იმეკონება, თორემ ბევრს რამეს მოუთხრობდით მკითხველებს მის დროს სანთლის ქარხნის მართვა-გამგეობის შესახებ...

მღვ. ტიმოთე კაპანაძეს როგორც მაზრის მეთვალყურეს, თანახმად უწმ. სინოდის განჩინებისა, არავითარი თანამდებობის მიღება არ შეუძლია. მეთვალყურენი, როგორც უწმ. სინოდის განჩინება ბრძანებს, თავისუფალნი უნდა იყვნენ მრევლთაგანაც, მაგრამ ვინაიდან ჩვენში დიდი ჯამაგირი არ აქვს მაზრის მეთვალყურეთა, კანონმა დროებითად მიანიჭა მათ ეს უფლება, რომ ორ-შტატიან ეკლესიებში ერთი შტატი მათ მიეცეს, რომ მისმა ამხანაგმა შეასრულოს ხოლმე მღვდელ-მოქმედება, როცა მეთვალყურე სოფელში იქნება წასული შკოლების დასათვალიერებლად. მართალია, მღ. ტიმოთე კაპანაძე ფულის გულისათვის ორ-სამ სხვა თანამდებობასაც მიიღებს, მაგრამ არ გვჯერა, რომ უწმ. სინოდის განჩინებას ყურადღება არ მიაქციონ და მეთვალყურეებს იმერეთის ეპარქიაში მიენიჭოს ისეთი უფლებები, რომელიც მთელს რუსეთის იმპერიაში არავის არა აქვს მინიჭებული...

მღვ. ტიმოთე კაპანაძეს 1895 წლიდან მართებს სანთლის ქარხნის ფული და აი აგერ მესხეთე წელიწადი ღ სრულდებით არ ფიქრობს ეს ფული დაუბრუნოს სანთლის ქარხანას. რა ზრუნვა უნდა გამოიჩინოს სანთლის ქარხანაზე იმისთანა პირმა, რომელსაც

*) იხ. „მწყენი“ № 14, 1899 წ.



თავისი ვალი არ გადაუხდია ამდენი ხანი, თუმცა შეძლება კი ჰქონდა, რომ ეს ვალი მოეშორებია მას!..

რაიცა შეეხება მესამე წევრს სასულ. სასწავლ. მასწავლ. ანთიმოზ გორგაძეს, იმის ზნეობის წინააღმდეგ სათქმელი ჩვენ არაფერი არა გვაქვს. ანთ. გორგაძე იყო 1896 წ. აღრჩეული წევრად, მაგრამ ნახევარი წლის შემდეგ ითხოვა, რომ დროის უმეჭონებლობისა და სხეულის სისუსტისა გამო არ ძალუძს სამსახური და თავის თხოვნით თავი დაანება. ჩვენ ვერ გავივია, რამ აიძულა იგი დღეს, რომ ხელახლა სურვობს იმ თანამდებობას, როცა მას არც ტანის სიმრთელე მომატებია და არც გაკვეთილები მოკლებია!..

ამასთან საჭიროდ ვრაცხ მკითხველის ყურადღება მივაქციო ერთ გარემოებაზე. სანთლის ქარხნის წარმოების საქმეში სხვა-და-სხვა ბოროტებათა განზრინებისათვის დეკ. დ. ლამბაშიძემ მისცა წინადადება სამღვდელოების კრებას 1895 წელში. ეს წინადადება იმაში მდგომარეობდა, რომ სანთლის ქარხნის მწარმოებელი და გამვე პირნი ვალდებულნი ყოფილიყვნენ ყოველივე ზარალი სანთლის ქარხნისა თავისი ქონებით ეხლოთ. მათაც ამნაირივე პირობა მოსთხოვეს თავის დროზე. გასაოცარია, რომ სამღვდელოების უკანასკნელ კრებამ საჭიროდ არ დაინახა ამ გვარივე პირობის მოთხოვნა ახალი კამიტეტის თავმჯდომარის და ორი წევრისაგან. სწორეთ კრების ამ საქციელში ვხედავთ ჩვენ დებუტატების მიდგომით მოქმედებას და საზოგადო საქმეზე მათ უჯერო შეხედულობას.

მოკლე და ცხადი ანგარიში სანთლის ქარხნის მდგომარეობისა:

1896 წლის დამდეგს ლამბაშიძის თავმჯდომარეობით კომიტეტმა ჩაიბარა ფულად 2500 მანეთამდე, ქარხნის ვალების და ძველი ხარჯების გამოარიცხვით. დღეს სანთლის ქარხანა წინანდელზე უკეთესად არის მოწყობილი: ნაღდად ფული იმეჭონება 2300 მანეთი, გავასხებული ფული ძველის დროიდან 1738 მან., სასწავლებლების სასარგებლოდ და საეკლესიო ხაზინის შესავსებლად დღესვე შეტანილი არის 3300 მან. დამზადებულია სანთელი 2400 მანეთისა, სანთლის ცვილი და სხვა მასალა

იმეჭონება 2880 მანეთისა. ეს მოკლე ანგარიში ცხადად ამტკიცებს ყოფილი კომიტეტის გამჭირიხობას და სამღვდელოების ამ უკანასკნელი კრების 26 დებუტატის საქმის უვიცობას, გაუგებრობას. ვნახოთ ეხლა რა იქნება შემდეგში.

მისმა ყოვლად უსამღვდელოესობამ სამღვდელოების კრების კურნალზე დეკ. დ. ლამბაშიძის გრძელი პასუხის მიღების შემდეგ კეთილ ინება შემდეგი რეზოლიუციის დასმა:

„1899 წ. 10 ივლისს ეხლანდელი კამიტეტი ითვლებოდეს დათხოვნილად, თანახმად მათი თხოვნისა და სურვილისა, რომელმა კომიტეტმაც ეხლავე ჩააბაროს სანთლის ზავილი თავის ქონებით. ნაცვლად „ნაბლიუდატელის“ კაპანაძისა, რომელსაც სოფლებში ხშირი სიარულისა გამო, მოცლა არა აქვს სანთლის საქმისათვის, ვნიშნავ ბლადოჩინს ივლიანე აბესაძეს, აგრეთვე ვნიშნავ დეკანოზს იოსებ ჭეიშვილს და მღვდელს ირაკლი ბაკურაძეს მხოლოდ ამავე წლის სამღვდელოების კრებამდე. შემდეგში დატოვება მათი კი დამოკიდებულია, თუ რამდენად ერთგულად და შეუცდომლად წაიყვანებენ საქმეს და თუ მათ ისურვებს სამღვდელოების კრება“.

დამსწრე.



ჩემი თავგადასავალი.



გაგრძელება*)

ამი წლიდგან მოკიდებული ექვს წლამდე ისე არავისთან ვიყავი შეტკობილი და ისე არავისკენ არ მიიზიდებოდა ჩემი გული და გონება, როგორც განსვენებულ ბებია ჩემისაკენ. ის იყო ჩემი მასწავლებელი პირველ ხანებში, განსაკუთრებით იგი შესანიშნავი მასწავლებელი იყო საღმრთო სჯულისა. ყოველი ჩემი ცნობის-მოყვარეობის დასაკმაყოფილებლად ბებიას მივაშურებდი. ის ისე

ისენაირად მიმიღებდა და გულდასმით დამიწყებდა ახსნას და განმარტებას ყველა ჩემთვის საინტერესო საგნების და კითხვებისას, რომ დღეს ის დრო ისე წარმომიდგება გონებაში, თუვინდ გუშინ ყოფილიყოს ეს შემთხვევა. მოვიყვან ბებია ჩემის საუბრებს.

—ბებია, რა არის ღმერთი? ვკითხე მე.

—ღმერთი არის იმისთანა ვინმე, რომლისაგანაც ყოველიფერი, რასაც ვხედავთ და რასაც ვერ ვხედავთ, შექმნილია. ის ასაზრდოებს ყველას და ის გვაძლევს ყველაფერს. რომ ის არ გვაძლევდეს ყველაფერს, ხალხი სულ შიმშილით დაიხოცებოდა. მაგრამ, ვენაცვალე მას, მისი სახელის კირიმე, ყოველიფერს ის გვაძლევს. ის რომ არ მიეშველოს, როცა ავად გახდება კაცი, იგი არ მორჩებოდა; მაგრამ ღმერთი მოარჩენს ავადმყოფს და თუ არსურს, რომ მოარჩეს, მაშინ იგი უთუოდ მოკვდება.

—სად არის, ბებია, ღმერთი?

—ღმერთი, შვილო, ყველგან არის, ცაშიც, მიწაზეც და ჰაერშიაც, ჩვენ ვერ დავინახავთ მას იმისთვის, რომ ხორცი არა აქვს. შენ ხომ შეგინიშნავს, ქარი როგორ დარბის და როგორ წააქცევს კაცს, მაგრამ ჩვენ ვერ ვხედავთ მას. ასე ვერ ვხედავთ ღმერთსაც.

—ხატები რაღა არის, ეკლესიაში რომ არიან და ვინ არიან იგინი?

—ისინი არიან ღმერთის კაცები, წმინდანები, მაგალითებრ, ჩვენს ეკლესიაში რომ წმიდა გიორგია, ის ღვთის კაცი იყო, მისი მოსამსახურე და რა სასწაულებიც ქმნა, ის არის ზედ დახატული. იმას რასაც ვსთხოვთ, ის ღმერთს სთხოვს და აგვისრულებს თხოვნას. ავად ვინც ვახლება და შეეხვეწება, მას მარჩენას მაშინ ის ღმერთს სთხოვს და ავადმყოფი მორჩება. თუ რამე ცუდი საქმე ჩაიდინა ბავშმა, ან დიდმა კაცმა, იმას ღმერთი მაშინათვე დაინახავს, ღმერთის თვალი ისეთი დიდია, რომ ჩვენ ქვეყანაზე მეტია და ყველაფერს შეიტყობს და გაი-

გებს. ამისათვის არც ცუდი უნდა თქვა რამე და არც ცუდი რამ ჩაიდინო.

—რას ჭამენ, ბებია, ხატები?

—ხატებს საქმელი როდი უნდა, ისინი პურსა და მკადს კი არ სჭამენ ისე, როგორც ჩვენ. იმათი საქმელი საქმეველი და სანთელია. ხომ დაგინახავს შენ, ხატებს რომ წინ სანთლებს უნთებენ. აი იმათ ის იამებათ და იმის მეტი არა უნდათ რა. ყველამ თავის ხელით უნდა ჩამოქნას სანთელი და ვინც თავის სიგრძე სანთელს მიართმევს ხატს, ის უფრო კარგია.

—მე საიდან შევიძლებ სანთლის ჩამოქნას?

—ეს არაფერია. შენ თუ სანთლის ჩამოქნა არ შეგიძლია, სანთლის გულს, პატრუქს დამიკავე და ერთი და იგივეა, თუ გინდ შენ ჩამოგექნას.

—შენ ღამე გეშინია, მითხრა ბებია ჩემმა, რად გეშინია და რისი გეშინია ღამე?

—არც მე ვიცი, ამბობენ, მავნე დადის ღამეო და მისი გეშინია.

—მავნის როგორ გეშინია, პირზე რომ ჯვარი გამოისახო, ათასი მამნე რომ დაგხვდეს, ერთი ვერ გაჩერდება, სულ გაიქცევიან. წმიდა გიორგის სახელი თუ ახსენე, მაშინ სულ დაიკარგებიან, ისე ეშინია მამნეს წმიდა გიორგის სახელის.

—რა არის მამნე, ბებია?

—მამნე, შვილო, ეშმაკია, მაგრამ ის კაცს ვერ მიეკარება, რადგან ქრისტიან კაცს ან ჯვარი ჰკიდია გულზე და ან წმიდა გიორგის სახელს ახსენებს და სულ გაქრება იგი.

რამდენ ადგილას დავუხსნივარ შიშის განსაცდელს ხან ბნელში, ხან დღეც ქექა-ქუხილის დროს და ვინ მოსთვლის რამდენ განსაცდელში. ბავშებს, ხომ მოგეხსენებათ, ეშინიათ ღამე გარეთ გასვლის, მაგრამ მე შიში აღარ მქონდა ამ დარიგების შემდეგ. წინეთ ხშირად შიშისაგან ენა დამკავებია, მაგრამ შემდეგში კი ჩემთვის საკმაო იყო მეთქვა: სამს სამოცდას ხუთთა წმიდა გიორგი, საკვირველთ-მოქ-



შელო, შენ მიშველე და დამიფარე მამნესკან“. ამ სიტყვების შემდეგ აღარც შიში იყო და აღარც ენის დაკავება.

საღმრთო სჯულის სწავლებას გარდა ბებია ჩემი საკვირველი დამრიგებელი იყო ყოველთვის. როცა საზიარებლად მოვემზადებოდით, ის გამზადილი იყო დასარიგებლად, თუ რა მოწიწებით და სიხარულით უნდა მიგველო ზიარება. ზიარების მიღება ჩვენთვის შეადგენდა ისეთ შესანიშნავ და სასიხარულო დროს, როგორც აღდგომა და სხვა დიდი დღესასწაულები.

მე მეტის მეტად მიყვარდა ფიშტო და თოფის წამალი. როცა მოვიდოდა ვინმე ფიშტო ან თოფიანი, მე მაშინვე ამ იარაღს მივახტებოდი და დავუწყებდი ჩახმახს თამაშობას. რასაკვირველია, როცა ეს იარაღი გატენილი არ იყო, ბებია ჩემი დამიწყებდა დარიგებას და მიშლიდა იარაღის ხელით შეხებას.

— რატომ არ შეიძლება ჩახმახის თამაშობა, ან პატარა სათოფელას ხმარება?

— იმიტომ არ შეიძლება, შვილო, რომ თოფი ცარიელიც, გაუტენელიც რომ იყოს, მაინც კაცისკენ არ უნდა გაიშვირო. ამისათვის რომ თოფის ლულაში ჩაძვრება ეშმაკი, იქცევა წამლად და გავარდება ჩახმახის დაცემაზე და კაცს შემოგაკლავს ხელში. ის კაცის მტერია და ყოველივე ღონეს ხმარობს, რომ ცუდი რამე შეამთხვიოს კაცს. არც დანა, არც სატევარი არ უნდა მიუღირო კაცს, ან ბავშვს. აქაც ეშმაკი გაჩნდება და ხელს გაქნევინებს კაცისკენ და მოგაკვლევინებს. ასე გაფრთხილებული უნდა იყო იარაღების ხმარებაზე, თუ გინდა, რომ კარგი კაცი გამოხვიდე და ყველასთვის საყვარელი შეიქნე.



მწარე ფიქრები.

კითხველო, ნუ თუ არ დაგინახავს, ბავშვები, ჯოხის ცხენებზე შემჯდარნი და მოჯირითენი? როგორ გაცხარებით აქენებენ ჯოხებს და ხანდის-ხან მათრახს ან წკიპარტსაც გადაკვრენ ხოლმე უკან და ვითომ მათრახის გადაკვრით ჯოხის ცხენები ცხარდებიან და უმეტესად მიაჭენებენ. ჰო, რა არის ბავშობა. ისინი სხვასაც ატყუებენ ღ თვითონაც მოტყუებულნი რჩებიან, მაგრამ მაინც დიდათ სიამოვნებენ! სწორეთ ამისთანა ჯოხის ცხენზე მოჯირითე ბავში მომავონა ყურნალის „მოამბის“ მე-VI №-ის შინაური მიმოხილვის ავტორმა, რომელიც იმერეთის სამღვდლოების უკანასკნელი კრებისა გამო აი რას სწერს:

ამ დროს, როცა ქუთაისის ბანკის კრებაზე ასეთი ხმაურობა და აუღ-მაყადი იყო, ქუთაისშივე მომხდარა საზოგადოებისათვის თითქმის შეუხვევლად, წენანად და მშვიდობიანად მეორე კრება— იმერეთის სამღვდლოების დეპუტატთა საგანგებო კრება. ამ კრებაზე სამღვდლოებისას ორი თვალ-საჩინო საქმე გადაუწყვეტა: 1) იმერეთის სამ-კლასიანი გაბრიელის სხელობის საქმარქაო ქალების სსწავლებელი გარდაქმნილ იქმნას ექვს-კლასიანად და 2) რადგან სანთლის ვაჭრობის საქმეში უწეს-რიგობა აღმოჩენილა, ჩამოერთვას ეს საქმე დეკანოზს და დამასშიძეს და გადაეცეს იგი ახლად ამოჩეულ კომიტეტს.

„მოამბის“ შინაური მიმოხილვის ავტორს სრულიებით არა გაუგია-რა იმერეთის სამღვდლოების კრების მოქმედებისა. მას წაუკითხავს „ივერიაში“ ვილაცა ერთი კორრესპონდენტის დაჯღაბნილი სტატია ვითომ და სანთლის ქარხანაში რაღაც უწეს-რიგობის აღმოჩენის შესახებ და ესეც ამას გაიძახის ისე, როგორც ქური, რომელსაც რასაც ჩასძახებ, იმას ამოგძახებს. სანთლის ქარხანაში არავითარი უწეს-რიგობა არ ყოფილა. ეს მტკიცდება მით, რომ დეკ. დ. ღამბაშიძის ხელში სანთლის ქარხნის შემოსავალმა ორასი თუმანი მოიმატა. უწეს-რიგობა იყო წინეთ, როცა არც შემოსავალი იყო ამდენი და ფულებიც ბევრი გაიფლანგა.

რომ სამღვდლოებას სანთლის ქარხნის შესახებ სამუდამო ლრიგიანი გარდაწყვეტილება არა დაუდგენია-რა, ეს იქიდგან სჩანს, რომ კრების ჟურნალი ამ საგნის შესახებ არ არის დამტკიცებული და ისევ შემდეგ კრებას აქვს მინდობილი განსახილველად. ასე გახლავსთ საქმე, მაგრამ „მოამბის“ შინაური მიმოხილვის ავტორი ცხენის ჯოხზე შემჯდარა და მიაჭენებს, და ჰგონია, რომ რაზეც ჯდის და ასე თვითონაც სტყუედება და სხვასაც ატყუებს!..

სხვა შესამჩნევი საქმე მაინც და მაინც სამღვდლოების კრებას არა ჩაუდენია რა. ექვს-კლასიანად გადაკეთება ქალების სასწავლებლისა სამღვდლოების კრებამდის სინოდისაგან იყო გადაწყვეტილი. რაიცა შეეხება ფულების შეკრებას ხარჯის დასაფარავად სამღვდლოებას თავისი არაფერი არ გამოუღია, მხოლოდ გადასწყვიტეს შეძლებულ მკლესიებზე ორასი თუმანის გაწერა და ათასი მანეთიც სანთლის ქარხნიდან.

*
* *

დიდი ნდობა ჰქონდა და აქვს კიდევ ბეჭვდითი სიტყვას ჩვენ ხალხში. ვერ დააჯერებთ სოფლის ხალხს, რომ დაბეჭვდილი რამ ტყუელი იყოს. მაგრამ ჩვენი ჟურნალ-გაზეთების გამომცემლების წყალობით ეს რწმენა თან-და-თან უსუსტდება ხალხს. ზოგიერთი დაბეჭვდილი ამბები მაინც არა თუ უნებლიეთი შეცდომაა, არამედ განგებ ბოროტ განზრახვლებით არიან მოგონილნი. ამას წინად ერთი გამომცემა მკითხველ საზოგადოებას უმტკიცებდა, რომ გურია-სამეგრელოს ეპარქიის კათედრა ოზურგეთში გადაიტანა უწმიდესმა სინოდმაო!.. ჩვენ ძლიერ გვიკვირს, რომ ჟურნალ-გაზეთების გამომცემლები ამისთანა აშკარა ცრუ ამბებს ბეჭდავენ. ზოგიერთი გამომცემა მასალის უმეჭონებლობისა გამო ხშირად ცრუ ამბებს ადგენს და ბეჭდავს და ამისთანა ცრუ ამბებით ართობენ თავიანთ მკითხველებს!

იქონიეთ იმოდენი სვინილისი, რომ ნუ ამოფხვრით ხალხის გულში ბეჭვდითი სიტყვისადმი ყო-

ველ რწმენას და ნუ ნერგავთ ხალხის სულში დაუნდობლობას უმნიშვნელო, უაზრო და ცრუ ამბების წერით.

*
* *

დადგა დრო, დრო სიხარულისა და სიმწუხარისა, როგორც მშობელთათვის, ისე სასწავლებლებში ახლად მისაღებ ყმაწვილთათვის. ისეთ სასწავლებელს ვერ ნახავთ, რომ მასში ყველა მსურველთათვის თავისუფალი ადგილი იყოს. სასწავლებელში იმეჭონება თავისუფალი ადგილი 30 ან 50, მთხოვნელთა რიცხვი ასი და ორასია. ვინაიდგან ყოველ სასწავლებელში თავისუფალი ადგილი ცოტაა და მთხოვნელი კი ბევრი, ამიტომ სასწავლებლიდან მიცემულ მოწმობებს, რომ ყმაწვილი გამოუცდელათ მიიღონ მეორე სასწავლებელში, მნიშვნელობა აღარ აქვსთ. ერთი სიტყვით, ერთ ადგილს მოხდენილ გამოცდას მეორე სასწავლებელში შესვლისათვის დაკარგული აქვს მნიშვნელობა. ბევრი დიდ ფულს ხარჯავს, რომ შვილი მოამზადოს პირველი, მეორე, მესამე და შემდეგ კლასებში მისაცემად, ვინაიდგან დასაწყის კლასებში ყოველთვის ნაკლებად არის თავისუფალი ადგილი.

რამდენი სამღურაფი და წყევლა-კრულვა ისმის მშობლებისაგან და მათი პატარა შვილებისაგან, რომელნიც სასწავლებლებში მიუღებელი რჩებიან უადგილობისა გამო. ეს გულდაწყვეტილნი მშობლები სასწავლებლების მეუფროსეთ და მასწავლებელთ ემდურნიან და ის კი არ იციან, რომ თვითონ ეს მშობლები არიან დამნაშავენი ამ საქმეში. დღემდის ვერ მივხვდარვართ, რომ დრო შეიცვალა და თუ ჩვენვე არ ვიზრუნეთ სასწავლებლების რიცხვის მომატებაზე, დღეს არსებული სასწავლებლები ვერ შეძლებენ ყველა მსურველთა დაკმაყოფილებას და ჩვენი მშობლების და მათი პატარა შვილების ტირილს და ვაებას დასასრული არ ექნება.

სოფლის მღვდელი.





„ხუცური“ თუ „მხედრული“?



თუ არ ვცდებით, მას შემდეგ, რაც წასული წლის „მწყემსი“-ს №22-ში ბ. ნადირკველის „ღია წერილი“ დაიბეჭდა „ხუცურისა“ და „მხედრულის“ შესახებ, აგერ ნახევარ წელზე მეტი გადის და იქ იმ წერილში დასმულ კითხვების გამოკი ჩვენს ლიტერატურაში ორ-სამ პირს გარდა*) კენტი სიტყვაც არავის წარმოუთქვამს.

ნუ თუ ეს საკითხი ისე დაბალ ხარისხოვანია, რომ ყურადღების მიქცევასაც არა ღირს? ნუ თუ იგი არავისთვის საინტერესო არაა?...

სამწუხაროთ უნდა გამოვტყდეთ, რომ ეს მართლაც ასე ყოფილა: აღნიშნული კითხვა არამც თუ საერო წოდების ქართველს არ აინტერესებს (ეს ჩვენ, სხვათა-შორის, იქიდანაც დავინახეთ, რომ ბ. ნადირკველის „ღია-წერილის“ ბოლოში მოთავსებული თხოვნა საერო გამოცემებში მისი გადაბეჭდვის შესახებ, თუ არ ვცდებით, არც ერთს რედაქციას არ შეუწყნარებია. რისთვის?...), — ასე გაშინჯეთ, სასულიერო წოდებაშია-კი მას ძალიან ცოტა გულშემატკივარი აღმოუჩნდა: მ. დეკანოზი დ. ლამბაშიძე, დ. კაჭახიძე და „აფხაზელი მღვდელი“. და, როგორც პატივცემულ მკითხველს ეხსოვება, ამათი აზრებიც იმდენად განირჩევიან ერთმანეთისაგან, იმდენად დაშორებული არიან ერთი-მეორეს, რომ გარეშე მკითხველს გზა და კვალი ებნევა, აღარ იცის, რომელ ერთს დაუჯეროს, რა გზას დაადგეს? ცალკ-ცალკე თითქოს სამ-თავეს აზრი საკმაოდ დასაბუთებულია; ერთმანეთთან შედარებით კი...

მაგრამ ჩვენ აქ ამ მოწინააღმდეგე აზრების შესადარებლათ კი არ გამოვსულვართ, ის კი არ გვინდა მკითხველს დავანახვოთ, თუ ამ აზრებში რომელი რომელს ჯობია, რომელი რომელს მოერევა... ჩვენ გვსურს გავითვალისწინოთ ის, თუ ამ აზრთაგან რომელია უფრო შეესაბამება თანამედროვე ბინძურებს ჩვენი საეკლესიო და საზოგადოებრივ ცხოვრებისას, რა-

დგან დარღმუნებული ვართ, და ამაში მკითხველიც დაგვეთანხმება, რომ ყოველი კითხვა, ცხოვრებისაგან წამოყენებული, თუ შესაძლოა, ამავე ცხოვრების შესაფერათ უნდა იქნეს აღხსნილი და გადაწყვეტილი და არა რაიმე განყენებულ მოსაზრებათა და ისიც სუსტი ღირსების მოსაზრებათა მიხედვით.

მაშ ჩავხედოთ ჩვენს თანამედროვე ცხოვრებას, მივიღოთ მხედველობაში, ერთი მხრით, თვით ხალხის—სამწყსოს სარწმუნოებრივი მოთხოვნებიანი და, მეორე მხრით, ახალ-გაზდა სამღვდლოების და სამღვდლო ხარისხის კანდიდატთა მდგომარეობა.

რას ვხედავთ აქ?

ნახევრათ გონებრივ სიბნელეში ჩაფლული, თანამედროვე სახელმწიფო და საზოგადოებრივ ისე როგორც საოჯახო მოთხოვნებიანთა სიმძიმით წელში გახრილი ან, ხშირათ, მძლავრთა ძალადობით უსამართლოთ შეურაცხყოფილი და დაჩაგრული შრომის შვილი, საწყალი მუშა-კაცი, — ან, კიდევ, შვილი სიმდიდრისა და ნივთიერი კმაყოფილებისა, იმავე ცხოვრების დაუნდობელ ტალღებით მოქანცულ-მოღალული და შემოფოთებული, ასე როგორც ბედისაგან გაღალღებული, მაგრამ რაიმე დანაშაულის ჩამდენი და სინდისით დატანჯული არსება, — ყველა ესენი და ბევრი მათი მზგავსი, ცხოვრებისაგან რამენაირათ შელახულ-შესუსხულნი და ამწვავებულნი, მოდინ ეკლესიაში, აშურებენ ამ ნაფთსაყუდელს ყველა სულით ღელვილთა და ტვირთ მძიმეთა,*) ისწრაფიან აქეთკენ, რასაკვირველია, არა მხოლოთ იმ განზრახვით, რომ აქ თავის თანამომქმენი და მეზობელ-ნათესავეები ინახულონ, ან-და, როგორც ჩვენში იტყვიან, „თვალს წყალი დააღვიონ;“ არამედ, უეჭველია, განსაკუთრებით, ხანში შესულები უფრო ხშირათ აქ იმ მიზნით მოდიან, რომ თავის აღშფოთებულ სულს მშვიდობა მოუპოვონ: საეკლესიო გალობის მოსმენით და, კერძოთ, საღმრთო და საეკლესიო წიგნთა თავისებურ-ხარაქტერულის კითხვით (რომლის, ხშირათ, მარტო კაფეტა კი შეჩვეულ ყურს რალაც სასიამოვნოდ ხვდება და მორწმუნე გულს სანეტაროთ

*) მოიგონეთ პოეტის მშვენიერი სიტყვები: „აღარას დარდობს მშინშარა ბავშვი, თუ დედის კალთას შეასწრო თავი... ხალხიც ბავშია, და დედის კალთა, — მისი საყდარი და სალოცავი.“

*) იხ. „მწყემსი“ 1898 წ. №№ 23—24 და 1899 წ. № 3, დეკ. დ. ლამბაშიძისა და კაჭახიძის წერილები; „ივერია“ 1899 წ. №№ 104 და 105, „აფხაზელი მღვდლის“ წერილი.

ატოკებს) და ამ კითხვაში აქა იქ მკითხველის მიერ ხმა ამაღლებით და მკაფიოთ წარმოთქმულ რაიმე მხრით საინტერესო სიტყვების გაგონებით ფიქრს საზრდო მოუპოვონ და ვნებათა ღელვა დაიამონ; სულიერ მოძღვრისაგან საამო და მათი სულის მდგომარეობის შესაფერი სიტყვა გაიგონონ, სიტყვა ნუგემისა და გამხნევებისა, სიტყვა შენდობისა და სასოებისა. აი, სწორეთ ამისთანა იმედებით და მისწრაფებით გამსჭვალული მოდის ეკლესიაში ბევრი ჩვენი კაცი; მზგავსივე გრძნობებით ღელვით აშურებს იგი მღვდლისაკენ, როცა მას უბედურება ან ბედნიერება რამ ეწვევა: მის ოჯახს შვილი შეეძინება, ან ვინმე საიმედო წევრი გამოაკლდება, თუ ავით გაუხდება და სხვ... — ახლა წარმოვიდგინოთ, რომ ამ იმედებით გამსჭვალულ მორწმუნე ქართველს, როცა იგი ეკლესიაში მოდის, აქ, ნაცვლად ტკბილ და მკაფიო კითხვისა, რაღაც გაუგებარი ბლუკუნი ესმის, სანეტარო გრძნობების ამშლელ და მოსხლეტილ კილოს ნაცვლათ, წარა-მარა ენის ბორძიკი, ხმის შეწყვეტა და ასოების „ეიტენა“ გულს უმღერევს და სასოებას უკარგავს. შეწუხებულ სულს კიდევ უფრო უწუხებს და სარწმუნოებას უღაზავს და სხვ. ყველა ამას დაურთეთ თვითონ მღვდლის მიერ მეხანიკური და უსულგულო კითხვა სახარებისა, ისე როგორც სხვადასხვა სამღვდელ-მოქმედო წესების შესრულების დროს საეკლესიო წიგნების შეუფერებელი ხმარება (რაც ამ ბოლო დროს, განსაკუთრებით ახალ-გაზდა სამღვდლოებაში, იშვიათ მოვლენას აღარ შეადგენს, — ამის მიზეზს ჩვენ ახლავთ დავასახელებთ...), და ადვილათ მივხვდებით, თუ რა შთაბეჭდილებით გარემოცული უნდა რჩებოდეს საღმრთო ვედრების შემდეგ ამ გვარი მოვლენით გულ-მოშხამული და ზნეობრივად შეურაცხყოფილი მსმენელი...

თუ ძველ დროში და „ძველი“ სამღვდლოების ხელში ამ გვარი შემთხვევები იშვიათი იყო (ბევრი რომ, მართლაც ასე გვარწმუნებს), დღეს იგინი ჩვეულებრივ მოვლენათ გამხდარან. მართალია პატივცემული მ. დევანოზი ბრძანებს: „თუ სსსუღაერო წოდებას ვიგულისხმებთ, მას ხომ სრულებითაც არ უჭირს ხუცური კითხვაო“, *) მაგრამ ვინ არ იცის, რომ სიტყვა „სასულიერო წოდება“ განყენებული შეკრებილობითი სახელია, რომლის კონკრეტულ

შინაარსს დღეს ჩვენში ძალიან აქრელებული, სხვადასხვა გონებრივ განვითარების და ზნეობრივ ხალისის კაცთა კრება შეადგენს. მაშასადამე ის, რაც ამ კრების ერთ ნაწილზე შეიძლება ითქვას, არ შეიძლება იგივე უცვლელათ მიეწეროს მის მეორე ნაწილსაც. სახელდობრ, თუ შევვიძლია ჩვენი სამღვდლოების ერთს, უკვე ხნიერსა და საკმაოთ გამოცდილს ნაწილს „ხუცურის“ კარგი მკოდნე ვუწოდოთ (თუმცა ერთმა გუშინწინდელმა შემთხვევამ (სამღვდლო პირის წესის აგებამ) რომლის მოწამეც ჩვენ გახლდით, ნათლათ დავგანახვა, რომ სწორეთ ის „ძველი“ „ხანში შესული“ მღვდლები უფროც სუსტობდნენ როგორც „ხუცურის“ კითხვაში, ისე ტბიკონის ცოდნაშიაც, ვინემ იქვე, მათ გვერდში მდგომი ახალ-გაზდა სამღვდლოება); განა შეიძლება ვგვევ სახელი დავარქვათ მის მეორე ნაწილს-ახალ-გაზდა სამღვდლოებას, რომელიც ეს ეს არის ახლა იქცებს სამსახურს და, უნდა ვითქვოდით, ათი წელი და ზოგჯერ მეტიც გაივლის, სანამ იგი ხეირიან კითხვას შესწავლიდეს...

და, მერე, სად არის ამის მიზეზი? რა უშლის ახალ-გაზდა სამღვდლოებას ამ მხრით ძველ სამღვდლოებას არ ჩამოუვარდებოდეს?

ამ კითხვაზე რომ პირ-და-პირ საპასუხოდ საეკლესიო წიგნების „ხუცური“. ანბანი მოვიტანოთ, ეს, რასაკვირველია, ბევრს სასაცილოთაც არ ეყოფა. უეჭველია, ბევრი ქართულ ანდაზასაც მოგვახლის: „გული გულობდეს, თორემო“ და სხვ. ე. ი. ახალ-გაზდა სამღვდლოების მხრით მტკიცე სურვილი იყოს, თორემ ანბანი როგორ დააბრკოლებს საეკლესიო წიგნები ზედმიწევნით შეისწავლოსო... და ამის მთქმელი სავსებით შართალი იქნება. მართლაც, გული გულობდეს, მტკიცე სურვილი იყოს, თორემ განა ამისთანა მცირე რამ დაბრკოლება შეაფერხებს ადამიანს... მაგრამ საქმეც ის არის, რომ სწორეთ „სურვილი“, მტკიცე სურვილი აღარ არის ჩვენს ახალ-გაზდა სამღვდლოებაში, რათა ამ საქმეს განსაკუთრებული ყურადღებით ეპყრობოდეს, — ან უკეთ რომ ვთქვათ, სურვილი კიდევაც არას და არც არას: არას და არც შეუძლია არ იყოს (პოტენციალურათ მაინც), რადგან რომელი თავ-მომწონე ახალ-გაზდა მღვდელი არ მოერიდება საჯაროთ შეკრებილებაში ბორძიკით კითხვას, — არ არას და ძაღანაც უჭიანს იყოს, რადგან თანამედროვე ცხოვრებამ ჩვენი ახალ-გაზდა სა-

*) იხ. „მწყემსი“ 1898 წ. № 23—24.



სულიერო წოდება იმ-ნაირ პირობებში ჩააყენა (შკოლიდან დაწყებული და საზოგადოებრივ ასპარეზით და ოჯახით გათავებული), რომ მას თითქმის სრულებითაც აღარ რჩება საკმაო დრო და ხალისა თავისი ძალ-ღონე იმ მეხანიკურ ვარჯიშობას შეაღიოს, რასაც ისეთის გულ-მოდგინებით ასრულებდნენ ძველათ (თუმც არც ყოველთვის უწყებლობათ და უპურის-მარცვლობათ) ჩვენი პაპები, როცა მთელი „კურსი“ სწავლა-მწიგნობრობისა მხოლოდ იმაში მდგომარეობდა და ცოდნის ღირსებაც იმითი იწონებოდა, თუ ვინც როგორი სისწრაფით ჩაიკითხავდა დავითნს ან ეამნს, — „დიდი წიგნების“ წაკითხვა ხომ მთელს ეპოქას შეადგენდა მაშინ მედავითნის ცხოვრებაში...

ჩვენ ამით სრულებითაც არ გვინდა ისა ვთქვათ, თითქო ძველათ საღმრთო და საეკლესიო წიგნების წაღწა მთლად მეხანიკური ყოფილიყო, ე. ი. შეუგნებელი, ავტომატური. არა, სრულებითაც არა... აქ ჩვენ მხოლოდ გათხვის შესწავლას პრაქტისზე მოგახსენებთ, რომელიც იმ დროში (და ვგონებ, ბევრგან დღესაც), როგორც ყველანი დაგვეთანხმებიან, წმინდა მეხანიკურათ წარმოებდა; ასე რომ, წაკითხულის შეგნებას მაშინდელი მედავითნე გვიან, ძალიან გვიან ეღირსებოდა ხოლმე და ისიც მხოლოდ მაშინ, როცა მეხანიკური კითხვის წყალობით მას უკვე ნახევრათ გაზეპირებული ჰქონდა საღმრთო და საეკლესიო წიგნები. დიად, აგეთი იყო ძველათ საეკლესიო მწიგნობრობის შესწავლის წესი: მედავითნობის და მღვდლობის კანდიდატი მთელი თავის სიცოცხლის პირველ ნახევარს (15-დან 30 წლამდე), მთელ თავის ყმაწვილურ ძალ-ღონეს ამ ერთ საგანს ახმარდა და, გასაკვირალიც იქნებოდა, რომ ბოლოს დროს გავარჯიშებული კითხვაც ვეღარ შეესწავლა...

დღეს კი სულ სხვაა. ავიღოთ თუნდ ის დრო, რომლის განმავლობაშიაც ჩვენი მომავალი მედავითნე ხუცურსა სწავლობს შკოლაში. როგორც მოგეხსენებათ, მედავითნის ადგილს ჩვენში ამ ბოლო დროს უმეტეს ნაწილათ სასულიერო სასწავლებელში კურს დამთავრებულნი („ოთხკლასიანები“) ან და სას. სემინარიის რომელიმე კლასიდან გამოსულებს ღებულობდნენ. ახლა ვიკითხოთ: სულ რამდენ წელს გრძელდება აქ ქართულის და კერძოთ „ხუცურის“ სწავლება? თუ არ

ვცდებით, „ხუცურის“ კითხვას სასულიერო სასწავლებლის შეგირდი პირველ ნორმალურ კლასიდან იწყებს, ე. ი. სწავლა სულ ოთხი წელიწადი წარმოებს და თუ აქვე იმ გარემოებასაც ვიგულისხმებთ, რომ აღნიშნულ საგნისთვის ყოველ კვირეულათ სულ რაღაც ორი საათია გადადებული (ზოგან, ვგონებ, არც ამდენია), — ძნელი ასაღსნელი აღარ იქნება ის მოგონება, რომ ამ სასწავლებელში კურს დამთავრებული ჩვენი მომავალი მედავითნე ძალიან ხშირათ სრული უვიცია ხოლმე საეკლესიო წიგნებისა. ასე რომ მედავითნობის მისაღებათ მას ისევ ძველ მონასტრებში ან კერძო მასწავლებელთან მიმართება სჭირდება (და ნუ დავივიწყებთ, რომ ეს არა მხოლოდ ტიბიკენის შესასწავლათ). ამ სახით, ბოლოს და ბოლოს, ჩვენი სასულიერო სასწავლებლები ეღმემენტარულ ცოდნასაც ვერ იძლევიან იმისას, რისთვისაც იგინი უპირველეს ყოვლისა არსებობდნენ (მოამზადონ ეკლესიის მოსამსახურენი)...

უკეთესს მდგომარეობაში არ არიან არც სამღვდლო ხარისხის კანდიდატები. თუ არ ვცდებით, ჩვენს სას. სემინარიებში ქართული ენისთვის (საერო და საეკლესიო ლიტერატურისთვის ერთათ) გადადებული დრო პირველ კლასიდან დაწყებული (სადაც კვირაში სულ, ვგონებ, რაღაც ორი თუ სამი საათია დანიშნული) შემდეგ კლასებში თან-და-თან კლებულობს, ასე რომ მე-5 და მე-6 კლასში ქართულს სულაც აღარ ასწავლიან. ამას დავურთოთ სხვა საგნების სიმრავლე და სირთულე, და ადვილათ მიხვდებით, რომ ის საშვალება, რომელსაც ჩვენს სემინარიებში ამ ბოლო დროს მიმართეს (სახარებისა და დავითნის ზეპირათ სწავლა) ვერაფერ სანუგეშო ნაყოფს იღებს: ზეპირათ დასწავლილი რამოდენიმე ფსალმუნნი და ამდენივე სახარების თავი (თვით ამ სამძიმო პროცესის უხერხულობაზე ნულარას ვიტყვი) შეგირდს წლის ბოლოსვე ავიწყდება და შემდეგში-კი, ამ აუტანელი პროცესით მოზეზრებული, ის უბრალო „ხუცურ“ კითხვაზედაც გულს იცრუვებს. — მართალია ამ უკანასკნელ დროს თბილისის სემინარიაში, ექსარხოსის ნებართვით, ერთი კვირის შემოიღეს: სახელდობრ, შეგირდებს დაავალეს განსაზღვრულ სადა დღეებში სემინარიისავე ეკლესიაში რიგ-რიგათ ქართულ წირვა-ლოცვაზე იარონ საღმრთის მსახურებო წესებში სავარჯიშებლათ და კითხვა გალობაში მონაწილეობა მიიღონ. (არ ვიცით, ქუ-



თარის სემინარიაშიაც არსებობს ეს წესი, თუ არა). და, რასაკვირველია, ამ ფრიად სიმპატიურ განკარგულების წინააღმდეგ ვის რა ეთქმის, რომ მას ზოგი უარ-ყოფითი ან უკეთ სუსტი მხარეები არ ჰქონდეს. მაგრამ, ჯერ ერთია და ვინ არის თავდები, რომ ეს წესი შემდეგშიაც, სხვა რექტორისა და ექსარხოსის დროსაც, დატულ იქნება. .

და თუნდ ამ მხრით კიდევაც არაფერი დაგვიშავდეს, ნურც იმას დავივიწყებთ, რომ ამ გვარი ვარჯიშობა თვითთულ შეგირდს წელიწადში რაღაც ორჯელ თუ სამჯელ, სულ ბევრი ოთხჯელ მეტათ არ შეხვდება, და ეს ხომ „ხლვაში წვეთია“... და თუ სავარჯიშო დღეების რიცხვი გავამრავლეთ, მაშინ ხომ შეგირდებს გაკეთილებს მოვაცდენთ, რაც მათ წლის ბოლოს დაწვებათ ცუდათ კისერზე. ერთი სიტყვით, თანამედროვე პირობებში თვით ეს სიმპატიური განკარგულებაც კი ვერაფერ სანუგეშოს გვიქადის: იმ ნაკლის შესავსებლად, რომელზედაც ჩვენ მოგახსენებთ, ის მეტათ სუსტია... ეს ერთ დროს თვით ამ სტრიქონების დამწერმა გამოცადა და გულახდილათ მოწმობს, რომ, თუმცა მას სურვილი საკმაო ძლიერი ქონდა „ხუცური“ კითხვა ზედმიწევნით თუ არა, რიგიანათ მაინც შეესწავლა, —სამწუხაროთ ეს სურვილი დღემდისაც სურვილათ ურჩება... მსგავსი მაგალითები სემინარიის შეგირდებში, ვგონებ, დღესაც დიდს უმრავლესობას უნდა შეადგენდენ. ამის მიზეზი მთელი სემინარიული სისტემაა სწავლებისა, ან უკეთ ამ სისტემის სინთეზე, რისი წყალობითაც სხვა-და-სხვა მძიმე საგნებით ტეინ-მოქანცულის და ნერვებ-აშლილ შეგირდს ხშირათ საღსარი აღარ ააქვს, გული აღარ შესწევს იმისთანა ვარჯიშობას მიმართოს, როგორც „ხუცურის“ კითხვა... ესევე ემართება მას კანიკულებზედაც, როცა იგი მთელ თავისუფალ დროს დასვენებასა და გართობას ანდომებს, რათა წლის განმავლობაში მეცადინეობით და ექსამენებით მოდუნებული ნერვები შეასვენოს და ახალი წლიდან ძველებური ენერგიით მიჰყოს ხელი, მართალია, ბევრისთვის არა სასიამოვნო ჯაფას, საქირო შრომას და ასე ბოლომდე...

(შემდეგ იქნება)

დროებით ჩრდილოელა ს. გ.



ამბროლაურის წიგნთ-საცავი.

ჟურნალის „მწყემსი“-ს მკითხველს ეცოდინება, რომ ბლალოჩინის ნიკიფორე კანდელაკის თაოსნობით ს. ამბროლაურს ზოგიერთმა ქვემო რაჭის სამღვ. დააწესა წიგნთ-საცავი. ამ საქმეში ვაგრძენ ზოგიერთი ერის კაცებიც. მთლად დამაარსებელნი იყვნენ ორმოცამდე. ესენი ისეთი აღტაცებით მიეგებენ ამ საზოგადო საქმეს, რომ მარტო წიგნთ-საცავის დაწესებას-კი არ დასჯერდნენ, მათ განიზრახეს წიგნების მალაზიის გახსნაც, მაგრამ საუბედუროდ, კინალამ არ აღსრულდა 1894 წ. ჩემ მიერ დაწერილი სიტყვები. ხსენებულ 1894 წელს „მწყემსი“-ს მე-№ 18-ში მე ვწერდი: „ჩემის აზრით უკეთესი იქნებოდა ჯერ წიგნთ-საცავი განეხორციელებია ამხანაგობას, სული ჩაედგა მისთვის, ფეხზედ დაეყენებია და შემდეგ შეიძლებოდა შედგომოდა მალაზიის დაარსებასაც, თორემ ორ კურდღელს რომ კაცი გაეკიდება, ორივე წაუფა. მე შინია, რომ აქაც ასრე არ მოხდეს... მართლაც კინალამ ასრე არ მოგვიხდა: არა თუ წიგნთ-საცავთან მალაზია დააწესეთ, ცოტა გაწყდა, წიგნთ-საცავიც დაიხურა ღარმე.

ჩვენი საზოგადოება როგორც ერის კაცნი ისრე სამღვდელონი ყოველს ახალს დაწესებულეებას აღტაცებით ეგებება, მაგრამ ეს სურვილი დიდხანს არ გასტანს, მალე უგრილდებათ გული; წარმოიდგინეთ, დროიდგან ამ წიგნთ-საცავის დაარსებისა აქამომდე ერთჯერაც არ მომხდარა ამხანაგობის კრება; თუმცა ამ საქმის მოთავეს არა ერთ გზის მოუწვევია წევრნი, მაგრამ ოთხი-ხუთი კაცი თუ მოვიდოდა კრებაზედ, რომ წიგნთ-საცავის საქმე შეეტყუოთ და უმჯობესად დაეყენებიათ საქმე. ამ მიზეზის გამო ეს კეთილი საქმე უკან და უკან წავიდა. კაცმა არ იცის, წიგნთ-საცავში რამდენი და რაგვარი წიგნია, რამდენი იყო მკითხველი და ვის წაუღია წასაკითხად წიგნი ღ ყველას დაუბრუნებია უკან თუ არა?

ჩვენს მაზრაში თანდათან მატულობს ნასწავლი სამღვ., რომელთაგანაც საზოგადოება უნდა მოელოდეს ამ გვარ დაწესებულეებათა დაარსებას და სხვა ხალხის სასარგებლო საქმეს. მაგრამ, საუბედუროდ, ზოგიერთი მათგანი უმეტესად მისდევენ თავის სასარგებლო საქმეს, ვინემ საზოგადოს, როგორც



არის ხსენებული დაწესებულება. ზოგიერთმა ნას-
წავლმა სამღვდლოებამ უარ ჰყვეს ჩვენთან
ამხანაგობა. ამის შემდეგ განა შეგვიძლია, რომ
მათი შემხედავი ერის კაცნი გავემტყუნოთ, რომ-
ლებიც გამოირიცხენ ამხანაგობისაგან? ხსენებულ
მაშვებზე ზოგიერთი ერის კაცები უფრო მოწადინე
არიან კეთილი საქმისა; მაგ. ჩვენ ამხანაგთაგანს ბ.
მინა გიორგობიანს სურს, როგორც გავიგეთ,
უთავაზოს წიგნთ-საცავს უფასოდ ერთი ოთახი
შემდგომ ერთის წლისა, როცა ვადა გაუა ეხლან-
დელს დაქირავებულ ოთახს; იმედია, ეს დაპირება
აღსრულდება ბატონი გიორგობიანისაგან.

ცხრა ამ თვეს იყო ამპროლოურს კრება ამხა-
ნაგობისა, მაგრამ წვერთაგან მეოთხელიც არ გა-
მოცხადებულა. ვინც გამოცხადდა, მათ ბევრი
იბაასეს, თუ წიგნთ-საცავის შეფერხებული საქმე
როგორ გაასწორონ და მკვიდრ და საიმედო სა-
ფუძველზედ დაამყარონ. ოთახი, სადაც მოთავსე-
ბულია წიგნები ხელახლა დაიქირავეს ერთის წლით.
წიგნების აკინძვა თავს იღვა ბლალოჩინმა კანდე-
ლაკმა და წაღებული წიგნების თავის მოყრა
მღვდელმა ვლადიმირ მესხმა. ამასვე დაავალა ამხას
ნაგობამ ფულები მოსთხოვოს ამხანაგობას, ვისაც
არ შემოუტანია. მანვე უნდა შეიტყოს აგრეთვე
ისიც, თუ რომელს ამხანაგთაგანს არ სურს ამხა-
ნაგობა.

ძლიერ კარგს ინებებს მოთავე ამ საქმისა,
რომ შემდეგ განკარგულებას მოახდენდეს: დააყენოს
საამხანაგო ფულებიდან საიმედო კაცი წიგნთ-
საცავში და ამ კაცს დაავალოს სხვა მხედველო-
ბასთან ისიც, რომ კვირა-უქმ დღეებში მთხოვნე-
ლებს აძლიოს წიგნები სახლში წასაღებად ვადით
და ვისაც სურს იქვე წაიკითხოს; შეიტყოს, თუ
რამდენია წიგნთ-საცავში სხვა-და-სხვა წაგნები და
ისიც აღნიშნოს, თუ რამდენია მკითხველი წლის
განმავლობაში. ეს უკანასკნელი ცნობა საქირთა,
რომ შევიტყოთ, თუ რამდენად მიეწვია ჩვენი
ხალხი წიგნის კითხვას. ვინც შემოსწიროს რამე
წიგნები, ჩაიწეროს სიაში შემომწირველის
სახელი და გვარი შემომწირველთა წასახალისებლად.
აგრეთვე საქირთა ვიცოდეთ, თუ რამდენი ფულია
შემოტანილი ამხანაგობისაგან დღიდან წიგნთ-სა-

ცავის დაარსებისა. იმედია, ჩვენი ამხანაგობა ფიც-
ხელ უურადლებას მიაქცევს აწი მაინც ამ საქმეს,
რადგან საქვეყნოდ განმიანდა ეს ჩვენი დაწესებუ-
ლება და ამის წარმოებისა და საფუძვლიან ნია-
დაგზედ დამყარებისათვის არ დაიზოგავს არც შრო-
მას და არც ნივთიერ შემწეობას, თორემ თუ ამას
ცუდი შედეგი მიეცა, მაშინ ეს ფრიალ სასირცხო
იქნება როგორც ერის კაცებისათვის, ისე სამ-
ღვდლოებისათვის უმეტესად.

ამხანაგთაგანი

„მწუჟისი“ კორესპონდენციები

(ლენინგრადიდან).

წელს სხვიმინდულოდ დიდი წვიმები არ
ყოფილა ჩვენკენ და ამიტომ არც მიწა გამბალა
საკმაოდ, ხოლო ივნისიდან ვიდრე 27 ივლისამ-
დე არა თუ წვიმით არ გამაძღარა მიწა, ცვარიც
კი არ უოფილა, რადგან დამე ცა დრუბლით იხუ-
რებოდა და დდე ძლიერი სიციხეები სწვავდა.
ბალახი გახმე, წულები ალაგ-ალაგ დამრა, კ ცი
და საქონელი შეწუხდა აუტანელი სიციხისაგან.
ხალხი შეაწუხა შიმშილის ძაღლოდინმა. ჰური
მწუტეთ დამწიფდა, სიმინდი სანახევროდ გახმა
და აჭრეს. ეკვლესიბიდან ხატებს ასვენებდენ
მდინარე წულებზედ დასაბანათ ლიტანიით, მა-
რამ არ შეიქნა სამშველი. ბოლოს 17 კვირიკობის-
თვეს სოფელს ოუურემიდან წასვენეს ხვამლის
მთაზედ ორი დიდი და დიდებული ჩმინდის
გიორგის ხატი. ეს ორი ხატი შესანიშნავია
მთელს მაზრაში თავის სიდიდით, დიდებული
მორთულობით, სიძველით და სასწაულ მოქმე-
დობით. ხალხის მოთხრობით ეს ორი წმინდის
გიორგის ხატი ძველ დროში დასვენებული უო-
ფილა ხვამლზედ, სადაც უოფილა ეკვლესია და
ბერების მოსახლობა. წერილობით ჩვენში თუმა
ამაზედ არა სჩანს რა, მაგრამ ხვამლზედ ახლაც
ცხადათ სჩანს და ატუვია ძველი ნაკვლესიები,



ტრაპეზი, მენობის ნანგრევები სულ თლილი საპტოო ქვებისაგან, გალავნი, ბერების სენაკების ნაშთი და სხვ. სხვაც ბევრი რამ შესანიშნავია ამ მაღალი მთის წვეროზე. ყნოსა დაუბრუნდეთ ჩვენს ლიტანიას. 27 კვარკობისთვის შვადდის პაპანაქება სიკცხეში გავემგზავრეთ ოუურეშის ეკლესიიდან ხვამლისკენ ასიოდე კაცი და ქალი, ხატებს მასვენებდა ოთხ-ოთხი კაცი ჯალავრით. ლიტანიას წინ მიუძღოდნენ განუწყვეტელი ბუკის კვრით და ზარების რეკა დიდ ხნს არ შეწყვეტალა. ხალხი ფეხშიშველა. ქუდ-მობდილი უკან :ხდა სასწაულ მომქმედს დიდებულ ხატებს და ცრმლით მესტიროდა თავის გაჭვირებას. გზა იყო ჯერ აღმართ მინდვრებზე და მერსთ ისეთსავე დაბურვილს მაღალ ტუეებში. გრილი მთის ნიავი და მუნივარე წყლები გვიგრილებდა სიკცხისა და მგზავრობისაგან გახურებულს და ათრთოლებულს გულს. მზე კი ღვანათებდა ამ მაღალ მთას, როცა ჩვენ შევაწიეთ შიშვლ მთის მინდორზე. ხატები დავასვენეთ ნეკლესიებზედ, შევხსენით სახვევლები და გავაჩერეთ ნატრაპეზალზედ, აუნთეთ სანთლები და წამოვიჩოქეთ მათ წინამე ვედრებით. ეს იყო გულმხურვალე ვედრება მდაბიო ხალხისა, არა თუ უაღბი, პირმფერებული და ფარისევფური, როგორც შეგვიხედავს ზოგიერთი მლოცველებისთვის, რომლებიც სათვალმაჩინოთ აქნევნ ხელებს, ვითომც პარჯვარს იწერენ.

ამ მთაზედ აღიან მოცლილი კაცები სათვალისეიროთ. აქედან მოჩანს მთელი კავკასია: ორივე ზღვა მათის მდინარეებით, მთები და ქალაქ ბი სარკე:ავით ცხადათ შესახედავია აქედან; მთის გარშემო მდებარე სოფლებს მხედვადი მიმინოსავით მადლიდან აჩერდება. მე კი შიშმა შმიპყრო და გადახედვა ვერ გავბედე, ისე მზიდავდა რადაცა უცნაური ძალა ძირისკენ. აქ ამ შიშველ მინდორში არიან სალი კლდეები ძეგლებივით ამართული, იმათ ნაპრალობში, სადაც ჯურღმულში მოჩანს თოვლი და ქინული. ერთი სიტყვით ბევრი რამ საკვარველება ინ ხება აქ ბუნებისაგან. მაგრამ ჩვენი მიზანი სულ სხვა იყო. დადაპებაძდის გარდვ-ხადეთ სამადლობელი პარაკლისი და აი ცხოველი სასწაული!! თისმინა უფალმ.ნ ვედრება ჩვენ: «რათ უბრძან ჯს დრუ-

ბელთა ცისათა მოცემად წვიმა... გაჩნდა ნისლი მთის გარშემო, დაგვიანლოვდა და გარს შემოგვერტუა; ამს პოევა ცივი ქარ, გასქედდა ნისლი და ააწია თ-ნდათან მადლა. შიქნა ქუნილი, ელვა და ბოლოს ნელი წვიმა. ჩვენს სიხარულს და მადლობას წმინდა გიორგისადმ: აღარ ჰქონდა საზღვარ. ახლა კი მივხვდი, რომ ტუეილად არ ქონდა დაქანებული ხალხს წმინდა გიორგის ხატების გასვენება ამ მთაზედ, გამოცდილი გვაქვს, რომ არ გაწილდება მათი იქ შბძანებაო. სწორედ აეთი მხურვალე სარწმუნოებით და ვედრებით ქონათ მათ გამოცდილი წმინდა გიორგის მეობა და ძლევა-დდება ბუნებაზედაც. აი სად ჰქონია სათავე ხალხურ მოთხრობს, რომ ვითომ წმინდა გიორგი და ილია წინასწარმეტყველი ცაში ცხენებს აჭენებენ და რახუნი და ელვა-ჭექა იქედან არისო. ჩემს დღეში ასე ცხოველი სასწაული არ მინახავს და ახლა კი მჯერა, რომ ჩვენს ცოდავლ დროშიდაც მოხდება სასწაული ლოცვით და ჭემმარიტი სარწმუნოებით და სასოებით. როცა წვიმა დაიწყო, ხალხი გაითუნტ-გამო-ფანტა აქა-იქ ქვაბუნებში თავის შესაფარებლად და ზოგი კი იქვე ხატებთან დავრჩით. მეორე დღეს ბუკის ხმამ ხელ ახლა მოგვყარა თავი წმიდა გიორგის ხატებთან, სადაც პარაკლისი გარდვისხადეთ და მუხლ მოხრით მადლობა შევსწრეთ სასწაულთ მომქმედს და ძლევა მოხილ ხატებს. და გულ დამშვიდებული დავბრუნდით სოფელში წმინდა ხატებით. იმ დღიდან გაიხსნა მეგრული ცა და იწვიმა საკმაოდ, გაცოცხდა უოველი დაბადებული კაცი, ცხოველი და მცნარე. დიერთო, უმველე გაჭვირებულს მდაბიო ხალხს, რომელსაც უოველ ჭირსა და ღბინშიდ აქვს ერთადერთი უტყუარ იარაღი—სარწმუნოება, სასოება და მხურვალე ვედრება.

მლ. ანტონ გოლეთიანი.



ს. ბანძა (სენაკის მაზრა). აგერ მესამე წელიწადი სრულდება, რა რომ ბანძაში მეორე კლასიანი სამასწავლებლო კურსიანი სამრევლო სკოლა არსებობს, რომლის შესანახად მთავრობა ყოველ წლებით ათას-ხუთას მანეთს იძლევა. სკოლაში წელს ექვსმა ყმაწვილმა დაამთავრა სწავლა, რომელთაგან სამი გამომცდელმა კომისიამ საეპარქიო მეთვალყურის თავმჯდომარეობით ორ-კლასიან სკოლის მოწმობის მიცემის ღირსად ცნო, სამს კი მიეცემა მეორე კლასიანი სკოლის მოწმობა მასწავლებლობის წოდებით, თუ რომ ისინი ისურვებენ დარჩენას მომავალ სამოსწავლო წელში, რამდენ ხანსაც საჭიროდ იქნება დანახული, იმ ცოტა ნაკლის შესავსებად, რომელიც ვერ მოასწრეს გავლილ დროებაში შესაწყნარებელ მიზეზთა გამო. დანარჩენი მოწაფეები, ეგზამენებით გადარჩევის შემდეგ, იმავე გამომცდელმა კომისიამ საჭიროდ დაინახა დაერჩინა ისევ იმავე კლასებში, რადგან, თუ არ ასე, პროგრამის გავლას ვერ მოასწრებდნენ, რომელიც ერთობ ვრცელია სამი წლის კურსისათვის არამც თუ ქართველ ყმაწვილებისათვის, არამედ თვით რუსებისთვისაც შიგ რუსეთში. ამ გარემოების გამო გამომცდელმა კომისიამ, ბატ. საეპარქიო მეთვალყურის წინადადებისამებრ, თანახმად უმაღლესის მთავრობის განკარგულებისა, დაადგინა მეორე-კლასიან სკოლასთან არსებულ ერთ-კლასიან სამაგალითო სკოლაში ამიერიდან შემოღებული იქმნას ოთხ-კლასიანი სწავლების კურსი. მეორე-კლასის მასწავლებლებს კ. არვეცაძეს და ერ. თოფურიძე, ერთ-კლასიან სკოლის ყმაწვილების სწავლებისათვის საეპარქიო რჩევის სამაზრო განყოფილებისაგან გამოეცხადათ მადლობა.

ყველა ყველა და სკოლის შენობის უქონლობა ძლიერ აფერხებს სწავლების საქმეს. როცა რომ ბევრგან რუსეთში და საქართველოშიაც ააგეს და აშენებენ მეორე-კლასიან სკოლებისათვის შენობებს და მთავრობაც უხვი შემწევობით (ათას ათასიდან ოცდა სამ ათასამდე ადის მთავრობის გამოცემული შემწეობა ფულად-ფული თითო შენობის ასაგებად)

დანმარებას აძლევს საზოგადოებას, ბანძას ამასობაში თავისი სკოლა მოუთავსებია ძველ ხის ნაღამებში, რომლებიც ქარს ვერ იჭერს და წვიმას. თქვენ წარმოიდგინეთ ისეთი შენობა, სადაც ზამთარში ყმაწვილებს მელანს უყინავს და ისიც სად მერე—ცივ რუსეთში კი არა, საქართველოს თბილ კუთხეში, ბუნება დალოცვილ ოდიშში. ეს ფაქტია, მკითხველო, და გაზვიადებად ნურავინ ჩამომართმევს. აქ შეჩერება არ შეფერის მათ, ვინც ეს საშვილიშვილო კეთილი საქმე აქამდე მოიყვანა თავის მეცადინეობით, აქ საჭიროა მხნეობა და ხელის გამოღება. ბოლოა საქმის დამაგვირგინებელიო, ამბობენ რუსები. ჩვენ დარწმუნებული ვართ, რომ ბანძის საზოგადოება თავის დანაპირების ასრულებაზე უარს არ იტყვის რადგან დანაპირების ასრულება მათვის გასაჭირი არ არის: შვიდასამდე კომლია, შეძლებულიც ბევრია შინ და გადაღმა, ირგვლივ ბევრი საზოგადოება აკრავს, რომლებიც მცირე შემწეობაზე უკან არ დაიხევენ. მხოლოდ მეტი ენერგია მეთაურთაგან, მეტი გარჯა: რაც მეტი საზოგადოებაა, მით მეტი უნდა თავიანობაც საქმეს. მათი მეუფება, ალექსანდრე, გურია-სამეგრელოს ეპისკოპოსი, როგორც ღრმად განათლებული პირი, დიდად მზრუნველი მისი სამწყსოს კეთილ-დღეობაზედ და დაახლოვებით მცნობი ეპარქიისა, განსაკუთრებით საჭიროდ რაცხს მეორე-კლასიან სკოლას ბანძაში, როგორც თვითონ გვიბრძანა ეს მათმა მეუფებამ და როგორც აქამომდე აწიცი იმედი უნდა გვქონდეს მათი მწყემსმთავრული შემწეობისა.

ამ სამოსწავლო წლის განმავლობაში სკოლა ინახულეს მათმა მაღალ ყოვლად-უსამღვდელოესობამ საქართველოს ექსარხოსმა ფლაბიანემ, მათმა მეუფებამ გურია-სამეგრელოს ეპისკოპოსმა ალექსანდრემ (ორჯერ), ქუთაისის გუბერნატორმა და სხვა პირთა.

მისი მაღალ-ყოვლად უსამღვდელოესობა, ექსარხოსი ფლაბიანე მარტვილიდან მობრძანდა ბანძაში. თუმცა კვირა დღე იყო, მაგრამ აუა-



რებელი ხალხი და მოწაფეები ეკლესიაში მიე-
გებენ მათ მეუფებს. მან ინება ყმაწვილების
შკოლაში წაყვანინება და იქ ნახა ყოველივე დაწვ-
რილებით. იუწყა მეორე კლასის მოწაფეების რაო-
დენობა და სამწუხაროდ დაურჩა, რომ მათი რიცხვი
ორმოცდა ოთხს არ აღემატებოდა; იკითხა მიზეზი
ამ გარემოებისა; იუწყა აგრეთვე მასწავლებლების
ვინაობა, სად იყვნენ სწავლა დამთავრებულები; რა
საგნებს გადიოდნენ მოწაფეები და რომელს ენახედ
— ქართულზედ თუ რუსულზედ. შემდეგ გამოსცადა
ყმაწვილები საღვთო სჯულში და რუსულ ენაში.
ფრიად საყურადღებოა, როგორი საშვალეობა იხმარა
მათმა მეუფებამ იმის შესატყობად, თუ რაოდენ
შეგნებულად იცოდნენ ყმაწვილებმა ნასწავლი.
ამისათვის მან მიმართა ყმაწვილების სამშობლო ენას
და მოითხოვა, რომ რუსულად მინაგები ქართულად ეთ-
ქვათ და კმაყოფილი დარჩა, როცა შეგნებულად და
დალაგებით გაიმეორეს ყმაწვილებმა რუსულად მი-
ნაგები ქართულადაც, როცა ხელოვნური ენით გად-
მოუქართულეს კრილოვის არაკში ავტორისებურის
ენამახვილობით გამოთქმული ადგილები. ნახევარ
საათზედ მეტი დაჰყო მათმა მეუფებამ ყველა კლა-
სებში. დიდის პედაგოგიური ხელოვნებით მიცემულ-
მა კითხვებმა მათის მეუფებისამ, მისმა ღმობიერმა
მოქცევამ ისე გაათამამა ყმაწვილები, რომ ამათ არ
ეტყობოდათ არავითარი დარცხვენა, რომე-
ლიც ასე ჩვევია ყმაწვილებს უფროსთა წინაშე.
დღესასწაულივით მოელოდნენ ყმაწვილები მაღალ-
ყოვლად უსამღვდელოესის ფლაბიანეს მობრძანებას
და მუდამ დაუფიწყარიცაა იმათ გულში მათი მეუ-
ფებისაგან მიღებული შთაბეჭდილება.

კ. ა — ძე.

ახალი ამბები და შენიშვნები.

ვარშავის გაზეთებში აღნიშნულია, რომ მომავალ
1900 წელს ძველის კალენდრით თებერვლის თვეში 29
დღე იქნება, ხოლო გრიგორიანთ (ე. ა. ახალს) კალენ-
დარში-კი—28 დღე, რადგან გრიგორიანთა კალენდრით
ყოველ 100 წლის შემდეგ თითო დღე აკლდება თებერ-
ვალს. ვარშავის გაზეთებს ეს ამბავი იმის გამო აღუნი-

შნავთ, რომ ამ ვამად უკვე განხდა ისეთი თამასუქები,
რომლებზედაც იულის გარდასდის ვადად ნახევრება 1900
წლის 29 თებერვალი.

„მთავრობის უწყ.“ ში დაბეჭდილია: „უმაღლესის
ბრძანების თანახმად განზრახულია გადადებულ იქმნას
3.262,000 მან. სამშენებლო უნივერსიტეტთან
საზოგადო ბინების გასამართავად და გაიყოს ყოველ
წლივ 32,400 მან. უნივერსიტეტების იურიდიულ და
ისტორიულ ფილოლოგიურ ფაკულტეტებზედ პრაქტიკულ
მეტადინეობის გასამართავად და გასაძლიერებლად“. ამ-
სთან ერთად „მთავრობის უწყ.“—ში გამოქვეყნებულია
საერო განათლების მინისტრის ბრძანება, რომელშიაც
გამოთქმულია, რომ სსჭირთა დამყარდეს ურთიერთობა
მასწავლებელთა და მოსწავლეთა შორის. ამ აზრით ნება
დართულია, დაასრულებ იქმნას, ზრთვესერთა ზისუხის
გებით და ხელმძღვანელობით, სამეცნიერო და სალიტე-
რატურო წრეები მეცნიერულ და ლიტერატურულ საგნე-
ბის შესახებ რეფერატების წასაკითხად და გასარჩევად,
აგრეთვე მგალობელთა გუნდები და ორკესტრები, და
დასასრულ, სტუდენტთა საზოგადო ბინები. „ეს ბინე-
ბი, ნათქვამია შემდეგ, განათავისუფლებენ ემსწავლე
კაცებს ბინებისა და სსმელ-სსმედიცინისთვის ზრუნვისაგან
და დააცვენ მათ უცნო ქადაქის მავნებელ გარემო გარ-
უქნისა და ცთუნებისაგან; ამასთან თუ კარვად იქმნებიან
მოწყობაღნი, ფართო გზას გაუხსნიან სსწავლებელთა
მთავრობას, მასწავლებელთა და მოსწავლეთა ერთმანეთთან
დაახლოებისათვის და შექქნიან სსუკეთესო ზირობებს
სამეცნიერო სწავლა-მეტადინეობისათვის, განსაკუთრებით
თუ ამ მეტადინეობის ხელმძღვანელობას მასწავლებლები
იკისრებენ. სტუდენტთა საზოგადო ბინების გასამარ-
თავად მთავრობის განზრახვა აქვს ძლიან დიდი იუ-
ლი გადასდოს. სსსურველია, რომ ადგილობრივმა საზო-
გადოებებმაც დახმარება აღმოუჩინონ ამ კეთილ საქმეს
შემოწარულებით. ამ აზრით შესაძლებელია დაასრულებ
იქმნას განსაკუთრებული კომისიები ზრთვესერთა და
ადგილობრივის საზოგადოების წარმომადგენელთაგან,
სამოსწავლო ოქქის მზრუნველთა თაგმჯდომარეობით.
რაც შეეხება კურსებისა ანუ სტუდენტთა სხვა გვარ
ორგანიზაციებს მათის წარმომადგენლებით, დებუტატებით
ანუ მამასახლისებით, ესენი მე, არა თუ მეტად, არამედ
სსზიანოდაც მიმხნია აკადემიურ ცხოვრების მშვიდობი-
ანის მიმდინარეობისათვის, რომელთაც აუცილებელ ზირო-
ბას შეადგენს სწავლა-მეტადინეობის წარმატებით მსულე-
ლობისა.



სწავლა და მეცნიერება ქრისტიანობრივ სარწმუნოებასა და კეთილცნობაზე.



ც ხ ო ვ რ ე ბ ა *)

შვიდთა ყრმათა ეფესელთა.

ტერი და მდევნელი ქრისტიანობისა რომის მეფე დეკეოზი მოვიდა რა კართაგენიდგან ქალაქს ეფესოსს, ბრძანება გასცა, რომ შეკრებილიყო ხალხი, და კერპებისათვის მსხვერპლი შეეწირათ. კერპი ქალაქის შუა ადგილას იყო ამართული. მეფის ბრძანება შესრულდა: დაკლულის ცხოველების სისხლით დედამიწა წითლად შეიღება და ჰაერი კვამლით გაშავდა და მოიწამლა. დღესასწაულის მესამე დღეს მეფემ ბრძანა: მონახეთ ყველა ქრისტიანი და ძალა დაატანეთ, რომ იმათაც მონაწილეობა მიიღონ ამ დღესასწაულობაშიო. შიშისგან გარეთ დამალული და სახლში მყოფი ქრისტიანები მალე შეკრიბეს; ამათში ვინც სუსტი ხასიათის და მდაბალი სულის პატრონი იყო, მეფის რისხვაშიშს ვერ გაუძლო, უარი სთქვა ჭეშმარიტს ღმერთზე და კერპებს თაყვანი სცა; ხოლო ვინც მტკიცე და შეუწყვეელი აღმოჩნდა, ის ერთი ათად გამხმევდა და ტანჯვა-წამებას გულადად მიეგება.

აი, ამ დროს ქ. ეფესოში სცხოვრებდნენ შვიდი ყრმანი, შვიდნივე წარჩინებულისა და გამოჩენილ კაცთა შვილები. ამათი სახელი იყო: მაქსიმიანე, იამბელიქე, მარტიონი, იოანე, დიონოსი, მარკელი და

*) 4 აგვისტოს მართლ. მადიდებელი ეკლესია იხსენიებს შვიდთა ყრმათა ეფესელთა ცხოვრებას და მოღვაწეობას. შვიდთა ყრმათა ეფესელთა ცხოვრების აღწერა, ჩვენის აზრით, ძლიერ სასარგებლო ზნეობრივი მეცნიერება არის და ამისათვის ვბეჭდავთ და იმედი გვაქვს, რომ ჩვენნი მწყემსნი წაუკითხვენ ამ მოთხრობას სამწყსოთა.

რედ.

ანტონინი. ყველანი სამხედრო უწყებაში მსახურებდნენ და კარგადაც დაჯილდოებულნი იყვნენ. ამათ სულით და გულით უყვარდათ უფალი იესო ქრისტე, მუდამ ერთად ლოცულობდნენ, მარხულობდნენ, და ყოველ გვარის ბიწიერებისაგან თავს იცავდნენ. ესენი რომ ქრისტიანების ტანჯვა-წამებას ხედავდნენ, გული სიბრაღულით ევსებოდათ და მუდამ მწუხარებასა და ოხვრაში იყვნენ. როცა მეფე და ხალხი კერპთ-თაყვანის-საცემლად შეიკრიბებოდნენ, ესენი ქრისტიანების ეკლესიაში ჩუმად მიდიოდნენ, მაცხოვრის ხატის წინ მუხლს იყრიდნენ, ლოცულობდნენ და შწარედ სულთ-ითქმოდნენ. თუმცა ასე ფარულად აღიარებდნენ ქრისტეს სარწმუნოებას, მაგრამ ბოლოს მაინც შეუტყვეს და მეფესთან დაასმინეს:

—მეფე, შორიდგან იწვევ ხალხს ღმერთების თაყვანის-საცემლად და აგერ თქვენ გარშემო მყოფნი კი სრულიად ეწინააღმდეგებიან ამ ბრძანებას, ჩვენს ღმერთებს ჰგმობენ და ქრისტიანების ეკლესიაში დადიანო.

—დამისახელეთ, ვინ არიანო? მრისხანედ ბრძანა მეფემ.

—ერთი ქალაქის გამგებელის შვილი მაქსიმიანეა და ექვსიცი კიდევ სხვა მებატონეთა შვილებიო, უპასუხეს მამებლარებმა.

—ეხლავე შეიპყარით და მომგვარეთო, უბრძანა მეფემ.

ბორკილ-შეყრილნი ყრმანი მალე წარადგინეს მეფესთან; მეფემ მრისხანის თვალთ შეხედა იმათ და უთხრა:

—რატომ არ იყავით ჩვენის ღმერთების დღესასწაულზედ? მთელი ხალხი მომიწვევია ამათ თაყვანის-საცემლად და თქვენ როგორ გაბედეთ, რომ არ მოხვედით!? გიბრძანებთ, ეხლავე მიდით და თაყვანი ეცით.

მაქსიმიანემ მიუგო მეფეს:

—თაყვანის-ცემა მხოლოდ ერთს ღმერთს ეკუთვნის, იმ ღმერთს, რომელიც უხილავია და ცათა შინა იმყოფება, იმიტომ რომ იმისგანაა ყოველივე შექმნილი და გაჩენილი. უსულო კერპებს-კი თაყვანს ვერ ვსცემთ და ამით ჩვენს სულს ვერ შევაგინებთო.

—ახადეთ მაგათ სამხედრო ხარისხიო, წამოიძახა მეფემ. თქვენ ღირსი არა ხართ ჩემის მხედრო-



ბისა და ეხლავე დაგხოცავდით კიდევ, მაგრამ ახალ-
გაზდანი ხართ და მებრალეებით. ეცადეთ-კი, რომ
ქკუაზე მოხვიდეთ, ამისათვის დროსაც მოგცემთ,
რომ კარგად მოიფიქროთ.

მეფემ განათავისუფლა ყრმანი და თვითონ
დროებით სხვა ქალაქში გაემგზავრა. ყრმანი სრულ-
ლიადაც არ შერყეულან, ქრისტეს სარწმუნოებას
წინანდებურადვე აღიარებდნენ და მრავალს მოწყა-
ლებას არიგებდნენ. ამავე დროს მოილაპარაკეს
ერთმანეთ შორის და გადასწყვიტეს, მოვშორდეთ
აქაურობას და დავიმოლოთ სადმეო; იქ მხურვალედ
ვილოცოთ, რომ ღმერთმა ძალა მოგვცეს, მეფის
წინ კიდევ უშიშრად წარვსდგეთ; ჩვენზე მოყენებუ-
ლი ტანჯვა მხნეობით ავიტანოთ და ამით ვეღირსოთ
იმ პატივსა და გვირგვინს, რომელიც უფალმა თა-
ვისს მოყვარეთა და მოსავთა განუმზადაო. გამოარ-
თვეს მშობლებს ფული, გაემგზავრენ აღმოსავლეთი-
საკენ და მიადგნენ ოქლონის მთას. ამ მთაში იპო-
ვეს ერთი მღვიმე და შიგ თავი შეაფარეს. აქ კარგა
ხანს დარჩნენ და განუწყვეტელს ლოცვაში იყვნენ.
ამათში ყველაზედ უმცროსი, რომელსაც იამბელიქე
ერქვა, გამოდიოდა ჩუმად ქალაქში, პურს ყიდუ-
ლობდა და მიჰქონდა მღვიმეში. იმასვე დავაღე-
ბული ჰქონდა, რომ შეეტყო, როდის დაბრუნდე-
ბოდა მეფე დეკეოზი თავის მოგზაურობიდან. იამ-
ბელიქე ქალაქში წასვლის დროს ყოველთვის ძონ-
ძის ტანისამოსით იმოსებოდა, რადგან ეშინოდა,
არავინ მიცნოსო. პურის ფულიდან ზოგს ნაწილს
გლახებს ურიგებდა.

გავიდა რამდენიმე ხანი. იამბელიქე კიდევ გაემგზა-
ვრა პურის საყიდლად ქალაქში. შეიტყო, რომ მე-
ფე დაბრუნებულა და ქალაქის უფროსებისა და მხე-
დართ-მთავრებისათვის უბრძანებია, რომ შეკრბნენ
ღმერთების თაყვანის-საცემლად. ისიც შეიტყო, რომ
თვით ამათ საპოვნელადაც იყო კაცები გაგზავნილი.
იამბელიქეს შეეშინდა, საჩქაროდ უკანვე დაბრუნდა
და ყოველივე ნახული და გაგონილი თავისს ამხა-
ნაგებს უამბო. ყველას შიშის ზარი დაცა, მაგრამ
თავს ძალა დაატანეს, მუხლი მოიყარეს და ღმერთს
სულთქმით შველა და დახმარება სთხოვეს.

დაბინდებისას ლოცვით და მარხვით დაქანცუ-
ლებმა ცოტათი ისაზრდოეს და ისევ მომავალის
ტანჯვის ფიქრსა და ლაპარაკში გაერთვნენ. ერთ-
მანერთს ამხნევებდნენ, აგულიანებდნენ და ეუბნე-

ბოდნენ, რომ უკან ნუ დავიხვევით და ნუ შევეუშინ-
დებით ამ წამიერ ტანჯვას, თუ გვინდა საუკუნო
სიხარულსა და ნეტარებას ვეღირსოთო.

ხანგრძლივმა ლოცვამ და ტირილმა დაქანცა,
დაასუსტა ყველანი, თვალები დაუმძიმდათ და მიე-
ძინათ.

კაცთ-მოყვარე ღმერთმან, ეკლესიისა და მორ-
წმუნეთა სასარგებლოთ, გამოაჩინა თავისი ძალა და
ყრმები სამის-სამოც-და-თორმეტი წელი საკვირველის
ძილით დააძინა. ამ სასწაულით ცხადად დაანახვა
მკვდრეთით აღდგომა იმათ, ვინც ექვის თვალით
უყურებდნენ ამ საქმეს. თუმცა წმიდათა მიძინება
სიკვდილსა ჰგავდა, მაგრამ გვამი-კი ისევ შეურყე-
ვლად და დაურღვევლად შერჩათ.

იმათის მიძინების შემდეგ მეფემ ბრძანება გასცა,
რომ ყრმები მონახეთ და მოიყვანეთო, მაგრამ გაგ-
ზავნილი კაცები რომ ვერას გახდნენ და უკან და-
ბრუნდნენ, მეფემ მიმართა თავის ჯარის კაცებს და
უთხრა: ძალიან მებრალეება და მენანება ის ახალ-
გაზდები; მენანება იმიტომ, რომ მეტად საუცხოვო
რამ იყვნენ. საბრალონი უთუოდ ჩვენს რისხვას შე-
უშინდნენ და დაიმაღლნენ; მე კი დიდის სიამოვნებით
ვაპატივდები, რომ მოსულიყვნენ, აღეარებინათ თავი-
ანთი დანაშაული და თაყვანი ეცათ ჩვენი ღმერთე-
ბისათვის.

—არა, მეფევე, ისინი შესაბრალოსნი არ არიან,
მიუგო კარის კაცთაგანმა. რომ შეენანებიათ, კიდევ
ჰო, მაგრამ შენანებას ვილა სჩივის, პირიქით უფრო
ჯიუტობა და ურჩობა გასწიეს. როგორც ამბობენ,
თურმე საშინლად კიცხავდნენ და გმობდნენ ჩვენს
ღმერთებს. ბოლოს აუღიათ და რაც ოქრო ვერც-
ხლი ქონიათ, სულ გლახებისთვის დაურიგებიათ და
კიდევ დამალულან; მაგრამ თუ იმათი ხელში ჩაგ-
დება გასურთ, მშობლები მოაყვანინეთ აქ, იმათ და-
ატანეთ ძალა და ათქმევინეთ, საცა არიან იმათი
შვილები დამალულნი.

მეფემ მოიწონა ეს რჩევა, მოაყვანინა ყრმების
მშობლები და წყრომით უთხრა:

—მითხარით, სად არიან თქვენი შვილები, თო-
რემ იცოდეთ, იმათს ურჩობას თქვენ გადაგახდე-
ფინებთ. კარგად ვიცი, რომ თქვენ მიგიცრათ იმათ-
თვის ფული და დაგიმაღავთ კიდევ.

—არა, მეფევე, უპასუხეს მშობლებმა, იმათთვის
არც ფული მიგვიცია და არც დაგვიმაღავს; ფული



უჩვენოდ წაიღეს და მხოლოდ მაშინ ვაივით, როცა დაერიგებინათ კიდევ გლახებისათვის. ჩვენ დიდი ერთგულნი ვართ თქვენისა და ჩვენის ღმერთებისა და ჩვენს შვილებს როგორ ვურჩევდით, რომ წინააღმდეგობა ვაეწიათ. ამბობენ, რომ ისინი ოქლონის მთის გამოქვაბულში არიან დამალულნი.

—მაშ კარგო, სთქვა მეფემ, თუ დამალვაა, მე იმათ ისე დავმალავ, რომ სამუდამოდ ვეღარ ნახოს იმათმა თვალმა ნათელიო. ბრძანა: ეხლავე წადით და ქვით ამოაშენეთ მღვიმეში შესავალი კარები, რომ შიგვე ამოიხოცნენო. ბრძანება შესრულებულ იქნა და მღვიმეში შესავალი კარები ქვით ამოაშენეს.



გავიდა დრო და ყველამ დაივიწყა ეს ამბავი, მხოლოდ ორმა კაცმა არ დაივიწყა. ეს ორი კაცი იყო თედორე და რუბინი და ორივენი ფარულად აღიარებდნენ ქრისტიანობას, რომ ხალხს არ დაეკარგოს ყრმების ღვაწლი და ისტორიაო, ამ ორმა კაცმა გააკეთებინეს ტყვიის ფიცარი, ზედ წააწერეს იმათი ტანჯვა-წვალება, ჩასდევს სპილენძის კიდობანში და ქვით ამოშენებულ მღვიმის კარებში ჩააყოფეს.

მალე გარდაიცვალა დეკეოზ მეფე, მაგრამ იწის

შემდეგ გამეფებულნიც დეკეოზის გზაკვალს დაადგინენ და ეკლესიას მოსვენებას არ აძლევდნენ. მხოლოდ, როცა კონსტანტინე დიდი გამეფდა, მაშინ მოისპო რომში კერპთ-თაყვანის მცემლობა და მთელს სამეფოს ქრისტიანობის ნათელი მოეფინა. კონსტანტინემ კარგა ხანს იმეფა და იმის შემდეგ თეოდოსი მცირე გამეფდა. ამ თეოდოსის დროს აღმოჩნდნენ, მრავალნი მწვალებელნი; მწვალებელნი ამტკიცებდნენ, რომ მკვდრეთით აღდგომა არ არისო. ერთი დასი ამბობდა, რომ „როცა კაცი მოკვდება, სულიც მასთანვე კვდება და სამუდამოდ ჰქრებაო“; ხოლო მეორე რიგი ქადაგებდა, «სიკვდილის შემდეგ სული რჩება და შესაფერად დაჯილდოვდება, ან დაისჯება, ხოლო სხეული-კი მტვრად იქცევა და იმას ათისა და ათი ათასის წლის შემდეგ რაღა გააცოცხლებს და აღადგენსო». ის-კი ავიწყებოდათ, რომ ღმერთი ყოვლის შემძლებელია და პირველად მიწისა და მტვრისაგან შექმნა ადამიანი. და რაღა მართო ეს, განა თვით იესო ქრისტემ არა ბრძანა, რომ მკვდათა ისმინონ ხმა ძის ღვთისა, ისმინონ და განცოცხლდნენო. თუ-კი სახარება სწამდამო, მკვდრეთით აღდგომის უარ ყოფა როგორღა შეიძლებოდა?

მწვალებლებს დიდს წინააღმდეგობას უწევდნენ კემმარიტნი მოძღვარნი და ნამდვილის საბუთებით უმტკიცებდნენ, რომ თქვენი მოძღვრება ყალბი და სიცრუეაო, მაგრამ იმათმა უკუღმართმა ქადაგებამ მაინც დიდი არვე-დარევა მოახდინა ხალხში, რის გამოც ძალიან შესწუხდა მეფეცა და ხალხიც და ყველანი ღმერთს ეხვეწებოდნენ და სთხოვდნენ ამ საქმეში დახმარებას. ღმერთმაც აღარ დააყოვნა და მათი სიმართლე მალე დაამტკიცა, და აი როგორ:

იმ ადგილის პატრონმა, სადაც ღვთისაგან დაძინებულნი შვილნი ყრმანი იყვნენ, მოიწადინა ცხერის ფარების აშენება. ამ კაცს აღოლია ერქვა. აღოლიას წინააღმდეგ ენახა ეს ქვით ამოშენებული კლდე და ეფიქრა ბუნებით ყოფილა ასეო. როცა შენობისათვის ქვა დასჭირდა, მონებს უბრძანა, ამადა-ამ აღაგას მიდით და გამოსთხარეთ ქვაო. მონებმა გამომანგრირეს კლდე და სახლში დაბრუნდნენ.

ამ დროს მაცხოვარმა, როგორც ოთხის დღის მკვდარი ლაზარე აღადგინა, ისე ეს რამდენსამე წლის მიძინებული ყრმანიც აღადგინა. ყრმები წამოდგნენ და ეგონათ, წუხელ დაძინებულებს ეხლა გამოგველვითაო; ილოცეს ჩვეულებისამებრ, ერთმანეთს სი-

ყვარულით ეამბორნენ და ისევ იმის ფიქრში გაერთვნენ, თუ რა საშინლად იტანჯებიან ქრისტიანები და რა სასჯელი მოგველის თვით ჩვენცაო. ბოლოს იამბელიქეს უთხრეს:

— იამბელიქე, ერთი კიდევ გვითხარი, რა ნახე და რა გაიგონე გუშინ ქალაქშიო?

— აკი გითხარითო, უპასუხა იამბელიქემ, რომ ძეფეს უბრძანებია შეიკრიბნენ ქალაქის მცხოვრებნი კერპის თაყვანის-საცემლად და ჩვენდა საქებრადაც გაუგზავნია კაცებიო.

ამ დროს წამოდგა მაქსიმოიანე და თავისს ამხანაგებს უთხრა:

— ძმებო, ნუღარ ვყოვნით, გავიდეთ აქედგან და წარვსდგეთ დეკეოზ მეფესთან. ნუ შეუშინდებით იმის რისხვას; ღვთის გულისათვის ყოველ გვარს ტანჯვა-წამებას სიხარულით მივეგებნეთ; გაუძლოთ ამ წამიერ სასჯელს, თუ გვინდა, რომ საუკუნო ბედნიერებას და სიხარულს ველირსნეთ. ძმაო იამბელიქე, წადი შენებურათ ქალაქში და იყიდე საზრდო. საზრდო ძალას და მხნეობას მოგვიმატებს და უფრო აღვილად ავიტანთ მეფის სასჯელს. ბარემ ისიც შეიტყვე, მეფეს რა ბრძანება გაუცია და რას ამბობს ჩვენს შესახებ.

მეორე დღეს, დილა აღრიანად, იამბელიქე გაემგზავრა ქალაქისაკენ, მაგრამ როცა მღვიმედგან თავი გამოჰყო და კარებთან მოგროვილი ქვები დაინახა, ძალიან გაუკვირდა.

— ეს ქვები საიდან არისო, ეკითხებოდა თავის თავს იამბელიქე; გუშინ არ იყო და დღეს საიდან გაჩნდაო?

ძალიან შეშინდა, მაგრამ წასვლა მაინც არ დაიშალა, თუმცა ისე თამამად-კი ვეღარ მიდიოდა, როგორც წინედ. შევიდა ქალაქში და აქ რაღა ნახა? ნახა, რომ ყველაფერი გამოცვლილიყო: სახლი სახლს არა ჰგავდა და კაცი კაცს; ქალაქში მრავალი ეკლესია იყო აგებული და ხალხი ქრისტეს სახელს უშიშრად ახსენებდა.

— რა ვქნა, სიზმარია ესა, თუ ცხადი, გაოცებით ამბობდა იამბელიქე; გუშინ ქრისტეს სახელის ხსენებაც ვერავის გაგებდნა და დღეს რა ამბავია, რომ ასე სახალხოდ გაიძახიან. გუშინ ვისაც ჯვარი ქონდა, მალავდა, არავინ ნახოსო, და დღეს ეკლესიებიც-კი აუგიათ. არა, უთუოდ სიზმარია ყველა ეს, ან გზას თუ ავცდი და სხვა ქალაქში შევედიო.

შემდეგ ქალაქის სახელი იკითხა და უთხრეს, ეს ქალაქი ეფესოაო, მაგრამ იამბელიქეს მაინც არა სჯეროდა და კიდევ იმას ამბობდა, რომ უთუოდ გზა დამებნა და სხვა ქალაქში შევედიო.

— პურს მაინც ვიყიდი და უკანვე დავბრუნდებიო, სთქვა იამბელიქემ და მეპურესთან მივიდა, გამოართვა პური, მისცა ფული და ნაშალი მოსთხოვა. მეპურემ ფული ვერ იცნო და სხვას აჩვენა, სხვამ კიდევ სხვას და ამ გვარად ფულმა რამდენისამე კაცის ხელში გამოიარა. ყველას ეოცა ფულის სიძველე და ერთმანეთს ეჩურჩულებოდნენ, უთუოდ ძველი ფულის საუნჯე უპოვია სადმეო. იამბელიქეს-კი ასე ეგონა, მიცნეს და ერთმანეთს იმას ეუბნებიან, დავიჭიროთ და დეკეოზ მეფესთან წავიყვანოთო.

— სულ წაიღეთ ეგ ფული, არ მინდა არაფერიო, წამოიძახა შეშინებულმა იამბელიქემ.

— არა, ჯერ გვითხარი, სად იპოვნე ფულის საუნჯე და ნაპოვნი ჩვენც გაგვინაწილე, თუ არა და ეხლავე დაგიჭერთ და მსაჯულთან წარგადგენთო.

იამბელიქემ არ იცოდა, რა ეპასუხნა და გაიუმებული იდგა.

— სთქვი, სთქვიო, თორემ ძალათ გათქმევინებთო, გაიძახოდა ხალხი, იამბელიქე ხმას არ იღებდა.

— მაშ რაკი არას ამბობს, შევიპყრაოთო, სთქვეს ვაქრებმა; შემოხსნეს იამბელიქეს სარტყელი და ყელზე მოაბეს.

— ქურდი დაიჭირეს, ქურდიო, გაისმა ხალხში ხმა და იამბელიქეს სანახვად მრავალი ხალხი შეიკრიბა. ეს ამბავი ქალაქის უფროსსაც შეატყობინეს, რომელიც ამ დროს სტეფანე ეპისკოპოსთან იყო და ესაუბრებოდა. ქალაქის უფროსმა ბრძანა: მოიყვანეთ ის კაცი და ძველი ფულიც თან მოიტანეთო. წაიყვანეს იამბელიქე ქალაქის უფროსთან, იამბელიქეს-კი ესე ეგონა, დეკეოზ მეფესთან მიყვებოდა და ვხაში აქეთ-იქით იტყირებოდა, იქნება ნათესავი, ან ნაცნობი ვინმე დავინახოო. როცა ქალაქის უფროსთან მიიყვანეს, ყველაზედ პირველად ძველს ფულს მიაქციეს ყურადღება, გაიკვირვეს და ჰკითხეს, სად გიპოვნია ძველი საუნჯე და დაგიმაღალსო?

— არაფერი საუნჯე არ მიპოვნია და არც დამიმაღალსო, უპასუხა იამბელიქემ. ეგ ფული მშობლებმა მომცეს და ისეთივე ფულია, როგორსაც მთელი ქალაქი ხმარობსო.



—რომელი ქალაქის მცხოვრებელი ან ვისი შვილი ხარო, ჰკითხა ქალაქის უფროსმა.

—ქალაქ ეფესოს მცხოვრებელი ვარო, უპასუხა იამბელიქემ და თან თავისი დედ-მამა, ძმები და ნათესავები დაუსახელა.

—რას მიედებ-მოედებო, შეძახა ქალაქის უფროსმა, იმისთანა სახელებს ამბობ, რომელიც არავის გაგვიგონიაო.

იამბელიქე გაჩუმდა, თავი ძირს ჩაჰკიდა და არ იცოდა, რა ეთქვა.

—უთუოდ ჰკუა შეშლილიაო, ასტყდა ხალხში ლაპარაკი.

—არაო, წამოიძახა ერთმა, მხოლოდ ძალად ისულელებს თავს, რომ პასუხის-გებას დაედწიოსო.

—რასაც გეკითხებით, მართალი გვიპასუხე, თორემ ციხეში ჩავსვამთ და ძალად გათქმევინებთო, უთხრა ქალაქის უფროსმა. ფულზე ძველი მეფე დეკეოზი გამოხატული და ძველის დროისაა, შენ-კი გაიძახი, ისეთივე ფულია, როგორსაც დღეს მთელი ქალაქი ხმარობსო.

იამბელიქე შიშმა და გამოურკვევლობამ ისე შეიპყრო, რომ ველარ-კი გაიგო ქალაქის უფროსის სიტყვები, დაიჩოქა და სთქვა:

—ბატონებო! მითხარით, ამ ქალაქის მეფე დეკეოზი ცოცხალია თუ არა, და მაშინ ყველაფერს გეტყვიო.

—ეგ მეფე ძველად ყოფილა და ეხლა-კი მეფე თეოდოსიაო, უპასუხა ეპისკოპოსმა.

—მაშ ეხლა აღარას დავმალავ, უთხრა იამბელიქემ. მე და ჩემი ექვსი ამხანაგი ოქლონის მთის გამოქვაბულში ვართ შეფარებული. იქ მეფე დეკეოზს დავემალეთ. გუშინ ვიყავი ეფესოში და მითხრეს, რომ დეკეოზ მეფე დაბრუნდა მგზავრობიდანაო. ეხლა ვერ გამიგია, ეს ქალაქი ეფესოა თუ სხვა.


ეპისკოპოსს გაუკვირდა და ქალაქის უფროსს სთხოვა, წავიდეთ და ვნახოთ, რა ამბავია, იქნება ღმერთმა სასწაული რამ გამოაჩინაო. იამბელიქე წინ გაიძლოლეს და ყველანი გამოქვაბულის სანახავად წავიდნენ. გზაში ამათ სხვა ხალხიც შეუერთდა. პირველად იამბელიქე შევიდა მღვიმეში, იმას ეპისკოპოსი და სხვანი შეჰყვნენ. ეპისკოპოსი გაფაციცებით ათვალიერებდა ყველაფერს. იქვე ნახა ზემოხსენებული სპილენძის კილობანი, მღვიმის კარებში ჩაყოლებული, მაშინვე გაახსენებინა და ამოიკითხა ტყვიის

ფიცარზე წარწერილი ყრმათა ღვაწლი და წამება; ყველანი აღიდებდნენ ღმერთსა. შემდეგ შევიდნენ ღვიმეში და ნახეს უმანკოებითა და ღვთის მადლით სახე გაბრწყინვალეებულნი ყრმანი. ყველამ მოწიწებით მუხლი მოიყარა და ღმერთი აღიდა. წმ. ყრმებმა დაწვრილებით უამბეს თავიანთი თავ-გადასავალი.

ეპისკოპოსმა და ქალაქის უფროსმა ეს ამბავი მეფეს შეატყობინეს და სთხოვეს, გამოგზავნეთ თქვენი კარის-კაცნი, რომ ნახონ, რა სასწაული გამოაჩინა ღმერთმა და როგორ ნათლად დაგვიანხვა მკვდართა აღდგომაო. გახარებული მეფე თვითონვე გაეშურა ამ სასწაულის სანახავად. ნახა წმ. ყრმანი და ეამბორა. მეფე მეტის სიხარულისაგან კრემლს ველარ იმაგრებდა და ღმერთს მადლობასა სწირავდა. მეფე რამდენსამე დღეს დარჩა იმათთან და საუკუნო ცხოვრების შესახებ ესაუბრებოდა. დასასრულ, ამ ტკბილსა და სასიამოვნო ბაასში რომ იყვნენ, წმ. ყრმანი მიწაზედ წყნარად დაეშვნენ და სამუდამოდ მიიცვალნენ. მიცვალებულთა წმ. გვამს ყველა ეამბორა და მოწიწებით თაყვანი-სცა.

თეოდოს მეფემ გააკეთებინა შვიდი ოქროს კუბო და უნდოდა ამ კუბოში იმათი წმიდა გვამები ჩავსვენებინა, მაგრამ მეფეს იმავე ღამეს გამოეცხადნენ ყრმანი და აცნობეს: ხელს ნუ გვახლებთ და ისევ დედამიწაზე ვიყვნეთ დავსვენებულნიო. მთელმა ეფესოს ქალაქმა დიდის ამბით გარდაიხადა ამ სასწაულის გამოჩენა, მრავალი სამოწყალო დაარიგეს და მრავალი პატიმარი განათავისუფლეს. საერთო სიხარულს საზღვარი აღარა ჰქონდა და ყველა ღმერთს აღიდებდა.

ეკკლესია ამ წმინდანებს იხსენიებს აგვისტოს ოთხს.





სიჯგუჯა

თქმული მღვდლის სამსონ ჩახიბიასკან ზირველ გურ-
ძემის მთავარ-ანგელოზის ეპიკლესიაშიდ კეთილ-შობილის
გლახუა ახელედიანის დასაფლავების დროს

პირველად ეძიებდნენ სასუფეველსა მღვთისასა
და სიმართლესა მისსა (მატთე ვ. ლგ.)

სჯობს სახელი კეთილი, ვიდრე სიმდიდრე
მრავალი.

ზატოცხანნო მსმენებნო, შეკრებილნო და ცრემლთა
ნაკადულთა დამფრქვევნო განსვენებულის კუბოზედ! დღენი
ჩვენი ჰქრება, ვითა აზრდილი, ხოლო თქვენი კეთილნი,
ქმნილნი კაცთაგან, სტოვებენ კეთილს-კვალს და რჩებიან
სამასსოფროდ მომავალთა შთამომავლობათა. ამისთვის
არ შემიძლიან ორთადა სიტყვით არ აღვნიშნო ჩვენს
წინ მდებარე მიტოვებული კეთილ-შობილის გლახუა ახ-
ელედიანის მტკიცე საწმინტო და მისი მრავალი კე-
თილი-თვისებანი და საქმენი. მართალია, იგი დღეს ხორ-
ციელად საუკუნოდ გვმორდება და გვეთხოვება, გარნა
მისნი კეთილი მადრეკილებანი, ღვაწლი და შრომა, ნია-
დავ დაჩვიან მისთა ჭირის-უფალთა და სხვათა მისთა
მოძმე-მონათესავეთა და მეზობელთა და უცხელთა მისთა
მცნობთა გულშიდ სასსოფრად. განსვენებულს თუმცა
სწავლა-განათლება არ ჰქონია მიღებული, მაგრამ ზნეო-
ბრივის მხრით ბევრს მის ტკლ-ამხანაგთა შორის მალა
იღვა. განსვენებულს უყვარდა არამტ-თუ თავისი მოკეთე
და ძვირფასი ოჯახი, არამედ თვით მტერსაც და მოძუ-
ლესაც ხელს უწყობდა წმიდა სსხარებისამებრ; შეტნებული
ქონდა-რა ჭეშმარიტება და მტნება მღვთისა, მეტად უყვარ-
და მქერივ-ობლნი და გაჭვირებულნი და მუდამ იმის
სტდილობდა, რომ მათთვის შემწყობა აღმოეჩინა, მას
ჩახერგული ჰქონდა გულში სიუარული მოყვასისა და წმიდა
ეპიკლესიას; რაც უნდა რომ სამწუნარო შემთხვევოდ
მას, მისს სახეზედ ოდნავ მოწყენილობასაც კი ვერ შე-
ამჩნევდა კაცი; იგი იყო გამყოფილი თვისი ხვედრისა და
სწირავდა უფალს და დებასა და მადლობას. კაცს არ ახ-
სოვს, რომ განსვენებულს რაიმე უსიამოვნება და უკამყო-
ფილება ჰქონდეს ვინმესთან, იგი ამხილებდა უველს
ცრუი სიტყვა-ზასუხის თქმისთვის, იგი იყო ნამდვილი
ჭეშმარიტი ქრისტიანუ და მღვთის მოსაგა: ნიადავ ზრუ-
ნავდა სიზარტლისთვის; იგი მუდამ იმაზე ფიქრობდა,
თუ რა შემწყობა აღმოეჩინა მის სამრევლოში დასრუბუ-
ლის სკოლისა და ეპიკლესიისთვის. განსვენებულს მიუ-
ძღვის უხვია შეწირულება წმიდა ეპიკლესიისადმი. სანამ

მას არ უმტუნეს საღმა ჯანმა, იგი არ არჩევდა ავ-კარგ ტა-
როსს, არც ეპიკლესიის სიშორეს კრიდებოდა. ქრისტიან
სიუარულით აღსავსე არამტ-თუ ამას ხელად ამქნებულ
ეპიკლესიაშიდ, არამედ დამორებულ მერე ციცაბო გო-
რასზედ აღშენებულ ეპიკლესიაშიდაც-კი მწუნ-ცისკრის და
სადმითო ლიტურდიის მოსასმენლად უოველ კვირას-უქმ-
დღეებში დადიოდა და მუდამ იღებდა ევლოგიას და თი-
თქო სასულოერო უწყებაში აღზრდილი უოფილიოფოს,
იგი ზირ-ნათლად დამრიკე და მოუბარი იყო განურჩე-
ლად ეველა წოდების ზირთა. იგი მზად იყო უოველ
გვარ ეპიკლესიის ზრუნვა-შეწირულებაზე, საქველ-მოქმედო
საქმეზე და ქრისტიან სჯულის აღსრულებაზე. იგი მალ-
მალ ამ სიტყვებს იმერებდა: „ძმაო! ცხოვრება კაცთა
ამაო ამათა ზედაა, მამ რად გვიხდა ჩვენ აქურთ სიმ-
დიდრე, სასლი გინდა სხვა ქონება, ესენი ჩვენ დროებით
გვაბარია, უკეთესია გავმდიდრდეთ სულთა, უკეთესია
მივსტეთ ჩვენთა სულთა საზრდო,“ და ამ აზრებით
გატაცებული მუდამ წმიდა ეპიკლესიის გამშვენებაზე და
შეწირულებაზე ზრუნავდა; შეძლებაც საკამოდ ხელს უწყ-
ობდა. ხოლო ოდესაც მას უსუსტა დონემ და ჯან-მრ-
თელობამ, მაშინ ერთ ადგილზედ მოფი უფრო მეტად
მადლობას სწირავდა უოველის შემოქმედს, მალ-მალ იბა-
რებდა მის მოძღვარს თავის სასსლეშიდ, აღოცრებდა
მწუნს, ცისკრს და უოველის იმედ-სასოებით აღვსილი
ისმენდა ღოცებს. შემდგომ ღოცვის კათავებისა უებნე-
ბოდა მოძღვარს „აბა მამია (ასე იცოდა განსვენებულმა)
მომქმნარე, შეავედრე ჩემი უდიდისი თავი უფალს, რათა
მედიდროს სასუფეველი ცათაშიან“. ამ ღრმა მოხუცებუ-
ლების დროსაც-კი უოველ წლივ იღებდა წმიდა საიდუმლოს
და არ იკლებდა აუცილებელ ქრისტიანულ მოვალეობას.
კაცთა დახმარებით იგი ცხენზედ მჭადმარე ამოვიდოდა
ეპიკლესიაშიდ და იმ ზომს სასოებით ისმენდა წირვას,
რომ მას სრულებით ავიწყლებოდა მისი ჯან-მრთელობის
მოკლება. გარნა მძიმე ავად-მოფობამ დასძლია და ულ-
მოებულმა სიკვდილმა გამოსაღმა იგი თავისს სიუარულ
ცოლ-შვილს.

ესლს მივექტვეო მისგან დაობლებულ ოჯახისა და
დღეს აქ მოფო საზოგადოებისადმი, და ვთხოვ ეველს,
რომ უოველ-გვარი კეთილ მოქმედება, ღვაწლი და შრომა
დაუვიწყარის განსვენებულისა იქმნეს ჩვენს გულშიდ მა-
რად აღუხოცილი და შევევედროთ უხუნაკსს არსებას,
რომ მან ესეთი კეთილ-ზნეობით აღვსილი აღამიანი
ეველავაც მოგვიგინოს ჩვენ. დასსრულ შევევედროთ
უფალს, რათა ჩვენ წინაშე მდებარე განსვენებულს კეთილ-
შობილს გლახუა ახელედიანს დაუმიკვიდროს სასუფეველი
წიადთა შინს აბრამისა. ამინ.



სახელმძღვანელო, საყურადღებო, საჭირო და სასარგებლო ცნობათა, განყოფილება.

საეჭვო კითხვების განმარტება.

კითხვა. 25 წლის მსახურებისათვის სახალხო სკოლაში საღმრთო სჯულის მასწავლებლად როცა აღნიშნული პირი მარტო უკანასკნელი 3 წელიწადი მსახურებს მღვდლად, მიეცემა თუ არა მას ანნას ორდენი მესამე ხარისხისა?

მაგება. მიეცემა ანნას მესამე ხარისხის ორდენი, რადგან არა თუ მღვდელს, არამედ ერის კაცსაც კი ეძლევა ეს ორდენი სასულიერო წოდებისას 25 წლის საღმრთო სჯულის მასწავლებლობისათვის.

კითხვა. 24 წლის მსახურების შემდეგ რომ მღვდელი გამოვიდეს შტატ გარეთ ავადმყოფობის მიზეზისა გამო, ერგება თუ არა მას რაიმე შემწეობა?

მაგება. თუ ამისთანა შტატ გარეთ გასულ მღვდელს არავითარი შემწეობა არ ეძლევა ადგილობრივი ეპარქიის სამზრუნველოდან, მაშინ ეპარქიის მღვდელ-მთავრის წარდგენილობით უწმიდესი სინოდი უნიშნავს მას შემწეობას იმ თანხიდან, რომელიც იმეჭონება უწ. სინოდში მისაცემელად იმისთანა სამღვდლო პირთათვის, რომელთაც პენსია არ დაუმსახურებიათ.

კითხვა. ორს და სამ შტატიან კრებულში, სადაც შტატით ერთი დეკანოზია, ერგება თუ არა დეკანოზს მეტი წილი სხვა მღვდლებზე, რომელნიც არა თუ დეკანოზთან ერთად, არამედ იმაზე მეტსაც მსახურებენ. ამასთან ამავე კრებულიდან ერგება თუ არა დეკანოზს ბლაღოჩინის სასარგებლოდ დადებული გარდასახადი, მაშინ, როცა თვით ეს დეკანოზია ბლაღოჩინად?

მაგება. მეტი წილი საკრებულო ტაძრის დეკანოზს ერგება თანახმად უწ. სინოდის განჩინებისა 24 დეკემბრიდან 1887 წ. (იხილეთ საეკ. უწყება

1888 წ. № 2. სასყიდელი კი ბლაღოჩინობისა-ვის, რომელიც დადებულია ოლქის სამღვდლოების კრებისაგან ან თვით ეპარქიის მღვდელ-მთავრისაგან სასარგებლოდ ბლაღოჩინისა, რასაკვირველია საფუძვლიანია ვარდისხალს კრებულმა.

კითხვა. როგორ უნდა მოიქცეს მღვდელი, რომ კანონიერად ჩაიბაროს საეკლესიო მიწა, რომელიც უხსოვარი დროიდან ეკლესიის ყოფილა და კიდევ ეკლესიას უსარგებლობია, მაგრამ ამ ადგილის არც გეგმა იმეჭონება და არც არსად არ ინიშნება ეკლესიისად?

მაგება. ამისთანა შემთხვევაში მღვდელი უნდა მოიქცეს ეპარქიის მღვდელ-მთავართან და მისგან მიიღოს ვეჭილობა, შემდეგ ითხოვოს ოლქის სასამართლოში, რომ აღნიშნული ადგილები იცნონ ეკლესიისად და მოახდინონ კანონიერი განკარგულება ამ ადგილების კანონიერად ჩაბარებისათვის დიდი ხნის მფლობელობისა გამო.

კითხვა. რომელი რიცხვით უნდა იყოს დაწერილი ობისკის წიგნი: იმ რიცხვით, რომელიც თავში დაესვა დაწერის დროს, თუ როცა მოაწერა ხელი სასიძომ და სასძლომ?

მაგება. რასაკვირველია, იმ რიცხვით, რომელიც თავშია დასმული ობისკის წიგნში.

კითხვა. შეუძლია მღვდელმა მიიღოს ჯილდოდ მესამე ხარისხის ანნას ორდენი 26 წლის სამსახურისთვის მასწავლებლად სახალხო, სამრევლო და საერო სკოლებში, რომლის განწესებაზე მასწავლებლად არა ვითარი განკარგულება არ არის, თუმცა კრილოვას უწყებაში კი ყოველ წელს ინიშნება მისი სამსახური სკოლებში?

მაგება. კანონი ამ ორდენებით დაჯილდოებისა იმათ აკუთვნის ამ ჯილდოს 25 წლის სამსახურისთვის, რომელთაც უსწავლებიათ სასარგებლოდ და არა იმათ, რომელნიც მარტო ოფიციალურად ყოფილან დანიშნულნი, მაგრამ სარგებლობა კი არა მოუტანიათ-რა შესამჩნევი.

კითხვა. მოსანათლავი ბავშვი ზეთის ცხების დროს მიმრქმელს უნდა ეკაოს ხელში, თუ სხვა ვინმეს?

მაგება. ერთი და იგივეა, ვისაც უნდა ეჭიროს.

კითხვა. მედავითნის სამსახურს აქვს თუ არა ვადა და



ან რამდენ ხანს უნდა იმსახუროს, რომ პენსია ან შემწეობა დაენიშნოს?

მიგება. 50 წლის სამსახურისათვის ყელის მედალი მიეცემა და 25 წ. სამსახურისათვის ერთდროებითი შემწეობა და პენსია კი არასოდეს.

კათხვა. დიდმარხვის შეიდეულებში მაზიარებელთ საჩუქარი იციან და მედავითნეს აქვს თუ არა ამ საჩუქარში ნაწილი?

მიგება. მედავითნეს მღვდლის ყოველს შემოსავალში აქვს წილი.

კათხვა. მეტრიკული ან აღსარებითი სიის ამოწერილობისათვის რაოდენიმე სასყიდელი ეძლევა მღვდელს. მედავითნეს აქვს თუ არა ამ საჩუქარში ნაწილი?

მიგება. აქვს წილი, თუ ყოველივე საქმეს მედავითნე აწარმოებს და ამ ამოწერილობათაც ის ადგენს.

კათხვა. ერთს ეკლესიაზე მსახურებს ერთი მღვდელი და ორი მედავითნე. ერთი მედავითნე აწარმოებს ეკლესიის საბუთებს. ამ მედავითნეს მეორე მედავითნედგან ერგება რამე საშრომი თუ არა, როდესაც მეორე ამხანაგი სხვა სამსახურს ასრულებს?

მიგება. არ ერგება.

კათხვა. ქალღვლების ტარება მედავითნეთა მოვალეობა არის თუ არა?

მიგება. მათი ვალია, ვიდრემდის ადგილობითი მღვდელ-მთავარი არ გარდაუწყვეტს დანიშნულ ჯამაგირს ბლადოჩინებს.

კათხვა. მღვდელს, რომელიც თავის მედავითნეს არას დროს თავის წილს ნებით არ აძლევს, რა უნდა ეყოს?

მიგება. უნდა უჩივილონ მთავრობასთან.

შეწირულებანი.

მ. რ! უპოვრჩილესად გთხოვთ ნება გვიბოძოთ, რომ თქვენი ჟურნალის „მწყემსი“-ს საშვებით მაგდლობა ვამოუცხადოთ როგორც მე, ისე მთელმა ჩემმა მრავლმა ქვიმორე მოხსენებულ პირთ, რომლებმაც შემოსწირეს სოფ. ხრიალეთის მთავარ-ანგელოზის ეკლესიას ქვემოთ მოხსენებული ფულათ, თუ ნივთათ: ბლადოჩინმა მღვდელმა კოსტანტინე კანდელაკმა ერთი ხელი მღვდლის შესამოსელი, დირებული 25 მან., სუფსის ეკლესიის მღვდელმა ბათლომე ჩხარტიშვილმა ერთი ხელი დაფარნი, დირებული 4 მან., სოფლის ხრიალეთის მანდილოსნებმა ბარძიმ-ფეშხუმის სასყიდლად 50 მანეთი, რუსუდან გოგოძის ასულმა 15 მან., რომლითაც მოჭედილ იქნა სახარება, ვახუშტი დავითის ძე ჩხაიძემ სადღესასწაულო წიგნი, დირებული 14 მან., ალიქსანდრე ხომკრიგმა ერთი ქაჯნი, დირებული 2 მან. და თეოდორე ზაპერტოვმა თანაარსისთვის მანდალი, დირებული 2 მან., შემორე მოხსენებულ პირთ მუდამ ჩემგან მოხსენება ექნებათ.

ზედ. მთ. ანგ. ეკ. მღ. რომანოზ მეგრელიძე.

შ ი ნ ა ა რ ს ი:

სალიტერატურო განყოფილება: რა ღუბავს ჩვენს ხალხს ეკონომიურად?—იმერეთის ეპარქიის სამღვდლოების დეპუტატების საგანგებო კრება ქ. ქუთაისში მაისის 31 და ივნისის 1 და 2 რიცხვებში.—ჩემი თავ-გადასავალი.—მწარე ფიქრები.—„ხუცური“ თუ „მხედრული?“—ამბროლაურის წიგნთ-საცავი.—„მწყემსი“-ს კორესპონდენციები.—ახალ ამბები და შენიშვნები.

სწავლა და მიცნობება ძრისტიანოვარი სარწმუნო და კითხილ-წამოგაზე: ცხოვრება შეიღთა ყრმათა ეფესულთა.—სტიყვა, თქმული მღ. ს. ჩაჩიბაიასაგან გლახუა ახელედინის დასაფლავების დროს.

საზირო და სასარგებლო ცნობათა განყოფილება: საეკვო კითხვების განმარტება.—შეწირულებანი.

რედაქტორ-გამომცემელი დეკ. დ. ლამბაშიძე.

Редакторъ-Издатель П. Д. Гамбашидзе.

Дозволено цензурою, Тифлисъ, 25 августа 1899 г. ♦ Цензоръ прот. Е. Елиевъ.

Типог. редакци журн. „Пастыръ“ (П. Д. Гамбашидзе) въ Кутаисѣ, въ д. бр. Хапановыхъ, на Нѣмецкой ул.